

## Møteinnkalling

<b>Utval:</b>	Fellesnemnda-AU
<b>Møtestad:</b>	Videomøte frå fylkesutvalsalen i Bergen og Hella i Leikanger
<b>Dato:</b>	02.09.2019
<b>Tid:</b>	13:00

### Program

Kl 13:00 - Opning og saksbehandling

#### Slik deltek du på møtet:

Frå nettlesar (Chrome): <https://vm.hfk.no/?conference=fuvsalen@vm.hfk.no>

Frå Skype for Business (Lync): sip:fuvsalen@vm.hfk.no

Frå videokonferansesystem: 'fuvsalen@vm.hfk.no'

Frå videoklient eller Skype: 'fuvsalen@vm.hfk.no'

Frå telefon: (+47) 570 007 98 Konferanse-ID: 55239082#

#### Viktig informasjon:

Logg på møtet i god tid, sjekk at eige utstyr fungerer som det skal. Til dømes at det er rett kamera som er i bruk. Bruk "headset" når du deltek frå PC/nettbrett. Steng eigen mikrofon når du ikkje snakkar.

Dersom nokon av utvalet sine medlemmer ikkje kan møta og må melda forfall, vert dei bedne om å gjere dette snarast ved å fylle ut skjemaet på [www.hordaland.no/forfall](http://www.hordaland.no/forfall).

Innkallinga gjeld valde medlemmer i fellesnemnda-AU. Ved eventuelt forfall frå faste medlemmer vil varamedlemmer bli kalla inn særskilt.

Anne Gine Hestetun  
leiar

## Sakliste

<b>Utvals- saknr</b>	<b>Innhald</b>	<b>Arkiv- saknr</b>	<b>U.Off.</b>
PS 32/19	Godkjenning av møteinnkalling og sakliste		
PS 33/19	Godkjenning av møteprotokoll fellesnemnda-AU 11.06.2019	2019/3389	
PS 34/19	Referatsaker (skriv og meldingar)		
RS 6/19	Historisk markering av Vestland fylkeskommune i Håkonshallen, 15.oktober 2019	2018/16486	
PS 35/19	Ymse		
PS 36/19	Vidare utarbeiding av reglement for folkevalde organ i Vestland fylkeskommune - del III	2018/16486	
PS 37/19	Framlegg til partssamansetting av Yrkesopplæringsnemnda i Vestland fylkeskommune	2018/15997	

**PS 32/19 Godkjenning av møteinnkalling og sakliste**

Arkivnr: 2019/3389-8  
Saksbehandlar: Berit Dianne Kilvær

**Saksframlegg****Saksgang**

Utval	Saknr.	Møtedato
Fellesnemnda-AU	33/19	02.09.2019

**Godkjenning av møteprotokoll fellesnemnda-AU 11.06.2019****Forslag til vedtak**

Møteprotokollen for fellesnemnda-AU 11.06.19 vart godkjent.

*Saksframlegget er godkjent elektronisk og har derfor inga underskrift.*

**Utval: Fellesnemnda-AU****Møtestad:** Videomøte, deltaking frå Thon Hotel Sandven i Norheimsund, frå fylkeshuset i Leikanger, og frå Førde.**Dato:** 11.06.2019**Tidspunkt:** 13:00-13:25**Følgjande faste medlemmer møtte:**

Namn	Funksjon	Representerer
<b>Hordaland</b>		
Thon Hotel Sandven:		
Anne Gine Hestetun	Leiar	A
Pål Kårbø	Medlem	KRF
Silja Ekeland Bjørkly	Medlem	H
<b>Sogn og Fjordane</b>		
Førde, Møterom Hafstad:		
Jenny Følling	Nestleiar	SP
Bjørn Erik Hollevik	Medlem	H
Åshild Kjelsnes	Medlem	A, frå kl. 13.15

**Følgjande medlemmer hadde meldt forfall:**

Namn	Funksjon	Representerer
Terje Søviknes	Medlem	FRP
Sigurd Erlend Reksnes	Medlem	SP

**Følgjande varamedlemmer møtte:**

Namn	Møtte for	Representerer
Tom Sverre Tomren	Terje Søviknes	KRF
Hilmar Høl	Sigurd Reksnes	SP

**Merknader**

Tom Sverre Tomren deltok frå Thon Hotel Sandven i Norheimsund.  
Hilmar Høl deltok frå Leikanger, Møterom Sygna.

**Frå administrasjonen møtte:**

Namn	Stilling
Rune Haugsdal	Prosjektleiar
Bertil Søfteland	Leiar fylkessekretariatet, Hordaland
Thorbjørn Aarethun	Seniorrådgjevar, Hordaland
Anne-Kjersti Stavø Stenehjem	Seniorrådgjevar, Sogn og Fjordane
Toralf Rutledal	Seniorrådgjevar, Hordaland
Marielle Solheim	Konsulent, Hordaland
Merethe Helland Nordnæs	Møtesekretær/seniorrådgjevar, Hordaland

## Sakliste

<b>Utvals- saknr</b>	<b>Innhald</b>	<b>Arkiv- saknr</b>	<b>U.Off.</b>
PS 25/19	Godkjenning av møteinnkalling og sakliste		
PS 26/19	Møteprotokoll Fellesnemnda-AU 13.05.19	2019/3389	
PS 27/19	Referatsaker (skriv og meldingar)		
RS 5/19	Løypemelding - DP 1.8 Fagskule	2018/15997	
PS 28/19	Ymse		
PS 29/19	Historisk markering av Vestland fylkeskommune i Håkonshallen, 15.10.19 - innretning av gjesteliste	2018/16486	
PS 30/19	Regional planstrategi for Vestland - utfordringar for fylket og regionane	2015/1434	
PS 31/19	Folkehelseoversikt 2019	2019/12067	

## **PS 25/19 Godkjenning av møteinnkalling og sakliste**

**Saksprotokoll i fellesnemnda-AU - 11.06.2019**

### **Vedtak**

Møteinnkallinga og saklista vart godkjent utan merknader.

## **PS 26/19 Møteprotokoll Fellesnemnda-AU 13.05.19**

### **Forslag til vedtak**

Møteprotokollen for FN-AU 13.05.19 vert godkjent.

**Saksprotokoll i fellesnemnda-AU - 11.06.2019**

### **Vedtak**

Møteboka frå møte den 13.05.2019 vart godkjent utan merknader.

## **PS 27/19 Referatsaker (skriv og meldingar)**

**Saksprotokoll i fellesnemnda-AU - 11.06.2019**

Referatsak RS 5/19 vart referert.

## **PS 28/19 Ymse**

**Saksprotokoll i fellesnemnda-AU - 11.06.2019**

Ingen saker til ymse.

## **PS 29/19 Historisk markering av Vestland fylkeskommune i Håkonshallen, 15.10.19 - innretning av gjesteliste**

### **Forslag til vedtak**

FN-AU er samd i prosjektleiaren sitt forslag til innretning på gjesteliste til den historiske markeringa av Vestland fylkeskommune i Håkonshallen, 15.oktober 2019, og at denne innretninga og eventuelle merknader i møtet vert lagt til grunn for utarbeiding av endeleg gjesteliste og utsending av invitasjonar.

**Saksprotokoll i fellesnemnda-AU - 11.06.2019**

**Anne Gine Hestetun (A)** sette fram slikt tilleggsforslag:

«Fellesnemnda AU ber om at biskopen blir invitert. Fellesnemnda AU ber om at ein vurderer deltaking frå begge fylkestinga.»

### **Røysting**

Anne Gine Hestetun sitt forslag vart samrøystes vedteke.  
Prosjektleiar sitt forslag vart samrøystes vedteke.

### **Vedtak**

FN-AU er samd i prosjektleiareren sitt forslag til innretning på gjesteliste til den historiske markeringa av Vestland fylkeskommune i Håkonshallen, 15.oktober 2019, og at denne innretninga og eventuelle merknader i møtet vert lagt til grunn for utarbeiding av endeleg gjesteliste og utsending av invitasjonar.

Fellesnemnda AU ber om at biskopen blir invitert. Fellesnemnda AU ber om at ein vurderer deltaking frå begge fylkeestinga.

## **PS 30/19 Regional planstrategi for Vestland - utfordringar for fylket og regionane**

### **Forslag til innstilling**

Fellesnemnda for Nye Vestland tilrår at rapporten *Vestland – utfordringar for fylket og for regionane* blir lagt til grunn som kunnskapsgrunnlag for arbeidet med ny regional planstrategi for 2020-2024.

### **Saksprotokoll i fellesnemnda-AU - 11.06.2019**

#### **Røysting**

Prosjektleiar sitt forslag vart samrøystes vedteke som innstilling til fellesnemnda.

#### **Innstilling til fellesnemnda**

Fellesnemnda for Nye Vestland tilrår at rapporten *Vestland – utfordringar for fylket og for regionane* blir lagt til grunn som kunnskapsgrunnlag for arbeidet med ny regional planstrategi for 2020-2024.

## **PS 31/19 Folkehelseoversikt 2019**

### **Forslag til vedtak**

Fellesnemnda-AU tek «Folkehelsa i Vestland 2019» til orientering som eit grunnlagsdokument for regional planstrategi for Vestland.

### **Saksprotokoll i fellesnemnda-AU - 11.06.2019**

#### **Røysting**

Prosjektleiar sitt forslag vart samrøystes vedteke.

#### **Vedtak**

Fellesnemnda-AU tek «Folkehelsa i Vestland 2019» til orientering som eit grunnlagsdokument for regional planstrategi for Vestland.



**PS 34/19 Referatsaker (skriv og meldingar)**

**Notat**

Dato: 23.08.2019  
Arkivsak: 2018/16486-86  
Saksbehandlar: thoare

---

**Til:** Fellesnemnda AU

---

**Frå:** Prosjektleiaren

---

### Historisk markering av Vestland fylkeskommune i Håkonshallen, 15.oktober 2019

FN-AU er av fellesnemnda utpeikt som komite for planlegging av den historiske markeringa av Vestland fylkeskommune i Håkonshallen, 15.oktober 2019. Prosjektleiaren legg med dette fram skisse for gjennomføring av arrangementet for drøfting og godkjenning i FN-AU.

#### Gjesteliste

Innretning på gjestelista med 290 inviterte var oppe til handsaming på møte i FN-AU, 11.juni 2019, der det vart gjort følgjande vedtak:

*«FN-AU er samd i prosjektleiaren sitt forslag til innretning på gjesteliste til den historiske markeringa av Vestland fylkeskommune i Håkonshallen, 15.oktober 2019, og at denne innretninga og eventuelle merknader i møtet vert lagt til grunn for utarbeiding av endeleg gjesteliste og utsending av invitasjonar.*

*Fellesnemnda AU ber om at biskopen blir invitert. Fellesnemnda AU ber om at ein vurderer deltaking frå begge fylkestinga.»*

Med grunnlag i dette har prosjektleiaren utarbeidd ei gjesteliste med deltaking innanfor følgjande kategoriar:

<b>ADMV</b>	Administrasjon i Vestland
<b>BIS</b>	Biskop i Bjørgvin
<b>EFYK</b>	Andre fylkeskommunar på Vestlandet
<b>FPOLH</b>	Fylkestinget Hordaland
<b>FPOLS</b>	Fylkestinget Sogn og Fjordane
<b>FPOLV</b>	Fylkestinget Vestland (estimat nye repr. som ikkje vert attvalde)
<b>SPOLH</b>	Stortingsbenken (Hordaland)
<b>SPOLS</b>	Stortingsbenken (Sogn og Fjordane)
<b>STAT</b>	Statlege etatar
<b>TLV</b>	Hovudtillitsvald
<b>VKOM</b>	Kommunane i Vestland

<b>FOU</b>	Forsknings- og utviklingsinstitusjonar
<b>FRIV-19</b>	Frivillige organisasjonar
<b>KUL</b>	Kulturinstitusjonar
<b>MED</b>	Media
<b>NORG</b>	Nærings- og interesseorganisasjonar
<b>NÆR</b>	Næringsliv
<b>UTD</b>	Utdanningsinstitusjonar
<b>REGRÅ</b>	Regionråd
<b>MEDV</b>	Medverknadsorgan
<b>ANDRE</b>	Gjestar utanfor kategori

Prosjektleiaren har bedt om at fylkesordførarane på vegne av FN-AU, kvalitetssikrar og godkjenner endeleg gjesteliste.

### Budsjett

Kostnadene med arrangementet vil m.a omfatte leige av Håkonshallen, catering, honorar til artistar, lyd og lys osv. Førabels er det berekna at dei samla kostnadene med arrangementet vil komme opp i om lag kr 700.000,-.

Prosjektleiar foreslår at desse kostnadene vert dekkja over budsjettet for eingongskostnader for samanslåinga.

### Opplegg og køyreplan

Tabellen under syner eit forslag til opplegg for den historiske markeringa:

#VERDI		
Tidspunkt	Hending	Kven
17.00	Aperitiff/mingling i Krypten	
17.00	Foto session - nye fylkestinget	Fotograf:
17.25	Slåttetromme - lokkar gjestane opp i Festsalen	Rolf K. Seldal - slåttetromme - spelar til alle har sett seg.
17.30 – 17.40	Velkomstord	Ny fylkesordfører/leiar av fellesnemnda/begge dagens fylkesordførarar – intro av seremonimeister
17.40	Presentasjon av meny	Hovmeister
17.45 - 18.10	<b>Forrett</b> - Servering/rydding	
18.10 - 18.20	Helsing	Statsråd Monica Mæland, KMD
18.20 - 18.30	Kunstnarleg innslag	Nøringen - barn frå Voss og Førde
	<b>Hovudrett</b>	
18.30 - 19.15	Servering/rydding	

19.15 - 19.30	Fanfare/overrekking av nytt ordførarkjede/fanfare + tale	Ny fylkesordfører, nykomponert fanfare for Vestland, musikarar frå Sjøforsvarets Musikkorps
19.30 - 19.35	Helsing	Representant - kommunesektor
19.35 - 19.40	Helsing	Representant - Bergen kommune
19.40 - 19.45	Helsing	Representant - utdanning/FoU
19.45 - 19.50	Helsing	Representant - næringsliv
19.50 - 19.55	Helsing	Representant - kulturliv
19.55 - 20.00	Helsing	Representant – kommentator og vestlandspatriot (media)
20.00 -	<b>Dessert/kaffe</b>	
20.10 - 20.25	Kunstnarleg innslag	Fargespill Bergen + Fargespel Nordfjord
20.25 - 20.30	Å, Vestland, Vestland	Solo saxofon - teksten resitert - allsang ledet av Fargespill
20.35 -	Utgangsmusikk	Rolf K. Seldal - slåttetromme/ev. bukkehorn

Prosjektleiaren ber FN-AU særleg drøfte og å ta stilling til følgjande innslag i det foreslåtte opplegget:

**A) Kven skal ønskje velkommen og ha rolla som seremonimeister?**

17.30 - 17.40	Velkomstord	Ny fylkesordfører/leiar av fellesnemnda/begge dagens fylkesordførarar ? – intro av seremonimeister?
---------------	-------------	---

Her ber prosjektleiaren om ei vurdering av kven som skal bekle rolla som vertskap for markeringa og stå for velkomstord før servering av forrett.

Tilsvarande ber prosjektleiar om synspunkt på kveldens seremonimeister som intern i administrasjonen, folkevald, eller profesjonell innleigd utanfrå?

**B) Kven skal helse til den nye fylkeskommunen?**

19.30 - 19.35	Helsing	Representant – kommunesektor distrikt
19.35 - 19.40	Helsing	Representant - Bergen kommune
19.40 - 19.45	Helsing	Representant - utdanning/FoU
19.45 - 19.50	Helsing	Representant - næringsliv/kulturliv
19.50 - 19.55	Helsing	Representant - kulturliv
19.55 - 20.00	Helsing	Representant - kommentator og vestlandspatriot (media)

Prosjektleiaren føresler at det vert opna opp for førebudde helsingar til den nye fylkeskommunen blant gjestene.

Med grunnlag i dette ber prosjektleiaren om synspunkt på kva sektor/område som bør vere representert i samband med dette, og eventuelt kva organisasjon/institusjon som skal stå for helsinga.

Som representant for kommentator og vestlandspatriot er det gjort ein førebels avtale med Øyulf Hjertenes, redaktør i Bergens Tidende.

**PS 35/19 Ymse**

Arkivnr: 2018/16486-52  
Saksbehandlar: Petter Lem Gullestad

**Saksframlegg****Saksgang**

Utval	Saknr.	Møtedato
Fellesnemnda-AU	36/19	02.09.2019
Fellesnemnda		18.09.2019

**Vidare utarbeiding av reglement for folkevalde organ i Vestland fylkeskommune - del III****Samandrag**

Prosjektleiari har i løpet av våren 2019 utarbeida reglement for folkevalde organ i Vestland fylkeskommune. Reglementa er fortløpande lagt fram for FN-AU og fellesnemnda, som har hatt høve til å kome med innspel i prosessen.

I denne saka vert fellesnemnda presentert for dei siste reglementa i denne prosessen:

- Reglement for delegering til fylkesrådmannen
- Reglement for delegering etter særlov
- Finansreglement
- Økonomireglement (vert lagt fram som tillegg til sak for fellesnemnda 18.09.2019)
- Reglement for yrkesopplæringsnemnda (vert lagt fram som tillegg til sak for fellesnemnda 18.09.2019)

**Forslag til innstilling**

Fellesnemnda tek saka til drøfting og orientering.

Rune Haugsdal  
prosjektleiari

*Saksframlegget er godkjent elektronisk og har derfor inga underskrift.*

Vedlegg

- 1 Delegeringsreglement VLFK - delegering til fylkesrådmann
- 2 Delegeringsreglement VLFK - delegering etter særlov
- 3 Finansreglement



## Prosjektleiar, 14.08.2019

### 1. Bakgrunn for saka

Utarbeiding av reglement for folkevalde organ og delegeringsreglement er ein del av fellesnemnda si oppgåve med å *samordne og ta seg av førebuinga av samanslåinga* av Hordaland og Sogn og Fjordane fylkeskommunar, jf. inndelingslova § 26 første ledd og reglement for fellesnemnda.

Prosjektleiar har i løpet av våren 2019 utarbeida reglement for folkevalde organ i Vestland fylkeskommune. Reglementa er fortløpande lagt fram for FN-AU og fellesnemnda, som har hatt høve til å kome med innspel i prosessen.

Følgjande reglement har vore lagt fram for FN-AU:

<b>PS 12/2019 (26.03.2019)</b>	<b>PS 17/2019 (29.04.2019)</b>	<b>PS 22/19 (13.05.2019)</b>
Reglement for administrasjonsutvalet	Reglement for fylkesutvalet	Reglement for fylkestinget
Reglement for klagenemnd	Reglement for hovudutval for kultur, idrett og integrering	Reglement for saksbehandling
Reglement for medverknadsorgana	Reglement for hovudutval for samferdsel og mobilitet	
	Reglement for hovudutval for næring, naturressursar og innovasjon.	
	Reglement for hovudutval for opplæring og kompetanse.	
	Reglement for fylkesvalstyre	
	Reglement for finansutval	
	Reglement for planutval	
	Reglement for trafikktryggingsutval	
	Reglement for valnemnd	

I denne saka vil fellesnemnda bli presentert for dei siste reglementa i denne prosessen:

- Reglement for delegering til fylkesrådmann
- Reglement for delegering etter særlov
- Finansreglement
- Økonomireglement (vert lagt fram som tillegg til sak for fellesnemnda 18.09.2019)
- Reglement for yrkesopplæringsnemnda. Prosjektleiar har gjort ei fornya vurdering av statusen til yrkesopplæringsnemnda, og konkludert med at dette er eit folkevald organ etter ny kommunelov § 5-1. Stortinget har nyleg revidert føresegner i opplæringslova § 12-3 om samansetting av nemnda. Reglement for yrkesopplæringsnemnda vert lagt fram som tillegg til sak for fellesnemnda 18.09.2019.

### 2. Den vidare prosessen

Etter politisk behandling i fellesnemnda vil alle reglement som har vore behandla i 2019 verte lagt fram for endeleg behandling i Vestland fylkesting sitt konstituerande møte 15.10.19. Prosjektleiar vil ved framlegg av reglementa for fylkestinget innarbeide eventuelle innspel frå fellesnemnda og gjere ein fullstendig gjennomgang og harmonisering av alle reglement.

### 3. Reglement for delegering til fylkesrådmannen

For at Vestland fylkeskommune skal vere operativ, er det naudsynt at mange avgjerder vert delegert frå fylkestinget til administrasjonen.

I *Reglement for delegering til fylkesrådmannen* er lista opp saker kor prosjektleiar meiner det er hensiktsmessig at fylkesrådmannen har mynde, og kor sakene ikkje går fram av særlov. Av punkt 3 i reglementet går fram at fylkesrådmannen og vil ha mynde i ei rekkje saker etter særlov, sjå *Reglement for delegering etter særlov*.

Det går fram under *Generelt om delegering* at delegert mynde kan delegerast vidare dersom ikkje anna er sagt. Fylkesrådmannen si vidaredelegering av mynde til fylkesdirektørar med fleire vert gjort i eige reglement, og vert ikkje lagt fram for fellesnemnda.

### 4. Reglement for delegering etter særlov

Mynde som gjennom lov eller forskrift er lagt til fylkeskommunen eller fylkestinget vert i *Reglement for delegering etter særlov* delegert til politiske organ og fylkesrådmann. Mynde som ikkje er delegert etter særlov eller delegeringsvedtak ligg til fylkestinget.

Ein skilnad mellom Hordaland og Sogn og Fjordane sine reglement, er at Sogn og Fjordane har innarbeidd *vidaredelegering* av mynde i eitt og same reglement.

Prosjektleiar har teke utgangspunkt i Hordaland sitt reglement og gjort naudsynte justeringar av omsyn til tal på politiske utval, nye arbeidsoppgåver og erfaringar kring arbeidsfordeling hjå respektive fylke.

### 5. Økonomireglement

Ny kommunelov § 14-2 bokstav d set krav om fastsetjing av eit økonomireglement for økonomiforvaltinga i fylkeskommunen. Prosjektleiar har her nytta Trøndelag sitt økonomireglement som utgangspunkt for nytt reglement i Vestland.

Fremlagd økonomireglement fastset mynde til fylkestinget, samt delegering av mynde til andre folkevalde organ og til fylkesrådmannen.

### 6. Finansreglement

Ny kommunelov § 14-2 bokstav e set krav om fastsetjing av eit finansreglement for finans- og gjeldsforvaltinga i fylkeskommunen.

Innhaldet i eksisterande reglement for dei to fylkeskommunane er i det heile svært likt. Dermed har det heller ikkje vore behov for å foreslå store endringar. I det nye reglementet har ein teke utgangspunkt i Sogn og Fjordane sitt reglement, men på nokre få punkt har ein vidareført føresegner frå Hordaland sitt reglement. Dette gjeld mellom anna storleiken på einskildlån (pkt.7.6 b) og fordelinga mellom fast og flytande rente (pkt. 7.5 c).

### 7. Reglement for yrkesopplæringsnemnda

Etter opplæringslova § 12-3 skal fylkeskommunen nemne opp ei yrkesopplæringsnemnd med nærare fastlagde oppgåver etter opplæringslova. Yrkesopplæringsnemnda er eit folkevald organ, jf. ny kommunelov § 5-1. Saksbehandlingsreglementet for folkevalde organ i Vestland vil gjelde for yrkesopplæringsnemnda.

Etter ny kommunelov § 5-13 skal det vere eit reglement for folkevalde organ som fastet mellom anna verkeområde og eventuelle vedtaksmynde, periode organet er oppretta for og andre sentrale føresegner.

Reglement for yrkesopplæringsnemnda vert bygd opp likt med reglementa for andre folkevalde organ i Vestland fylkeskommune.

# Delegering til fylkesrådmannen

Fylkesrådmannen har mynde til å ta avgjerd i følgjande saker:

## 1. Økonomi

### 1.1. Sjå Økonomireglement.

### 1.2. Bygg- og eigedomsforvaltning

Bygging

- gjennomføring av fylkeskommunale byggeprosjekt og tilsyn med at dette vert gjort i samsvar med vedtekne føresetnader og fastlagd rutine
- val av rådgjevar, entreprenør og leverandør

Forvaltning, drift og vedlikehald

- inngå avtaler om leige og utleige av fast eigedom som ikkje er av langsiktig (15 år eller meir) eller vesentleg (5 mill. i årleg leige) verdi
- erstatningssaker innanfor fylkeskommunen sitt forsikringsfond
- fordeling av løyvingar til ekstraordinært vedlikehald av bygningsmassen
- fordeling av rammeløyvingar til ombyggingsarbeid
- godkjenne utrangering, kassasjon og avhending av inventar og utstyr når det er dokumentert at det ikkje kan gjerast nytte av det
- val av leverandør ved utstyrskjøp og kjøp av tenester

Andre oppgåver

- tilsynsansvar for fylkeskommunen sin bygningsmasse
- forsikringsordningar for fylkeskommunale bygg og utstyr
- mindre bygg- og grunnavståing og/eller arrondering av liten verdi

### 1.3. Samferdsel

Fylkesrådmannen har mynde til å gjennomføre tilbodsevaluering, tildele og inngå buss-, bybane-, snøggått- og ferjekontraktar i dei tilfella kor fylkestinget eller fylkesutvalet har vedteke at konkurranse skal nyttast, jf. yrkestransportlova § 8, under føresetnad av at kontraktsverdi/kostnadsramme ikkje medfører vesentleg kostnadsauke.

## 2. Personalforvaltning

2.1 Oppretting, nedlegging og omgjering av stillingar innanfor vedteke budsjett med unntak for stillingar i sekretariat for kontrollutvalet.

2.2 Omplassing av personale innan og mellom fylkeskommunale einingar, med unntak for sekretariat for kontrollutvalet. For personale i sekretariat for kontrollutvalet skjer omplassing i samarbeid mellom fylkesrådmannen og kontrollutvalet.

2.3 Overføring av overtalig personale innan og mellom fylkeskommunale einingar, med unntak for sekretariat for kontrollutvalet. For personale i sekretariat for kontrollutvalet skjer overføring i samarbeid mellom fylkesrådmannen og kontrollutvalet.

2.4 Søknader om redusert arbeidstid med unntak for sekretariat for kontrollutvalet.

2.5 Alle tilsetjingar med unntak av fylkesrådmannen sin faste avløyssar og sekretariat for kontrollutvalet, jfr. forskrift om kontrollutval § 8.

2.6 Oppseiing, suspensjon og avskil for tilsetjingar under punkt 2.5.

2.7 Søknader om permisjon med unntak for sekretariat for kontrollutvalet.

2.8 Lønsfastsetjing etter tingingar/drøftingar med arbeidstakarorganisasjonane, jfr. hovudavtalen, der fylkesrådmannen har tilsetjingsmynde, jfr. pkt. 2.5.

2.9 Fylkesrådmannen har det totale personalansvar, og tek avgjerd i alle saker elles som ikkje er lagt til anna organ.

2.10 Mynde til å tilsetje, seie opp, suspendere, gi avskil og fastsetje løna til toppleiarane kan ikkje delegerast vidare.

### 3. Delegering på vegsektoren

#### 3.1. Økonomi

##### 3.1.1 Rekneskap

Fylkesrådmannen har mynde til å setje av midlar til disposisjonsfond for bruk i seinare år.

##### 3.1.2. Kontraktar

###### Investeringsprosjekt

Igangsetjing av prosjekt med kostnadsramme over 250 mill. kroner skal leggjast fram for fylkestinget til særskilt godkjenning når konkurransegrunnlag med oppdatert kostnadsoverslag ligg føre.

Fylkesrådmannen har mynde til å setja i gang andre fylkesvegprosjekt, jamvel om løyvingane strekkjer seg over fleire budsjettår.

###### Funksjonskontraktar

Fylkesrådmannen har mynde til å utlyse og inngå fleirårige funksjonskontraktar for drift og vedlikehald av fylkesvegnettet. Mynde gjeld også andre fleirårige kontraktar innanfor drift og vedlikehald.

#### 3.2. Kjøp og sal av eigedom

Fylkesrådmannen har mynde til å gjennomføre kjøp og sal av eigedom som er nødvendig i samband med fylkeskommunen sitt ansvar for fylkesvegar.

Fylkesrådmannen har mynde til å representere fylkeskommunen ved skjønn, overskjønn, jordskifte og kartforretning.

Fylkesrådmannen har mynde til å inngå avtaler om permanent avståing av bruksrett til vertikalnivået over fylkeskommunal veggrunn.

Fylkesrådmannen har mynde til å krevje betaling ved permanent avståing av bruksrett til vertikalnivået over fylkeskommunal veggrunn.

### 4. Gjeremål fastsett i særlov

Mynde fastsett i reglement om delegering etter særlov.

### 5. Utanrettslege pengekrav

Betaling av pengekrav, inkludert erstatning, og ettergjeving av fylkeskommunale krav i enkeltsaker for beløp under kr 1 000 000,-, og avslag på krav om betaling.

### 6. Mynde til å skrive under avtalar/kontraktar

Fylkesrådmannen skriv under avtalar/kontraktar som fell inn under eige ansvarsområde.

Fylkesrådmannen har mynde til å underskrive på vegner av fylkeskommunen alle avtalar/kontraktar som har grunnlag i vedtak fatta i fylkeskommunale organ.

## 7. Mynde som underinstans

Der fylkesrådmannen har fått delegert mynde til å fatte vedtak, har fylkesrådmannen og mynde som underinstans i klagesaker med unntak for saker nemnd i Reglement for fylkesutvalet pkt. 2.3.

## 8. Mynde til å handtere ein krisesituasjon

Fylkesrådmannen har mynde til å handtera ein krisesituasjon. Etter at krisa er over, vert det lagt fram ei sak til politiske organ der det vert gjort greie for tiltaka som vart sette i verk og dei økonomiske følgjene av krisehandteringa.

## 9. Bruk av delegert mynde

Melding om korleis delegert mynde er nytta i større og vesentlege saker skal gjevast til fylkesutvalet.

## Reglement for delegering etter særlov

Fylkeskommunen sitt mynde etter særlover vert delegert slik:

### **1. Lov om taubaner og løypestrenger av 14.6.1912 nr. 1.**

Fylkesrådmannen har mynde til å gje fråsegn til søknader om anlegg av taubaner, under dette skitrek.

### **2. Lov om skjønn og ekspropriasjonssaker av 01.06.1917 nr. 1**

§§ 4 og 32 jfr. § 48

Fylkesrådmannen har mynde til å krevje skjønn, overskjønn eller takst.

Fylkesrådmannen har mynde til å engasjere juridisk bistand.

§ 14

Fylkesutvalet har mynde til, etter innstilling frå valnemnda, å nemne opp skjønnsutval.

### **3. Lov om erverv av vannfall, bergverk og annen fast eiendom m.v. (industrikonsesjonsloven) av 14.12.1917 nr. 16**

§ 24

Hovudutval for næring, naturressursar og innovasjon har mynde til å gje uttale i saker om søknad om konsesjon.

### **4. Lov om vassdragsreguleringer av 14.12.1917 nr. 17**

§ 12.

Hovudutval for næring, naturressursar og innovasjon har mynde til å gje fråsegn i saker om vassdragsregulering, under dette også konsesjonssøknader.

§ 14

Fylkesutvalet har, etter innstilling frå hovudutval for næring, naturressursar og innovasjon, mynde til å disponere midlar opparbeidde i vassdragsreguleringsfondet.

### **5. Lov om tilsyn med elektriske anlegg og elektrisk utstyr av 24.05.1929 nr. 4 med forskrifter**

Fylkesrådmannen har mynde til å ivareta fylkeskommunen sitt mynde etter lova.

### **6. Lov om tinglysing av 07.06.1935 nr. 2**

§ 6

Fylkesrådmannen har mynde til å krevje tinglyst dokument som gjeld grunnverv til fylkesveganlegg.

### **7. Lov om friluftslivet av 28.06.1957 nr. 16**

§ 22

Hovudutval for næring, naturressursar og innovasjon har mynde å fremje friluftsmål i fylket.

Fylkesutvalet har mynde til å opptre, klage og i tilfelle reise søksmål for å ivareta ålmenta sine interesser i alle saker av interesse for friluftslivet.

§ 24, 5. ledd

Fylkesutvalet har mynde til å bringe inn for departementet fylkesmannen sine vedtak etter §§ 2, annet ledd, 3, tredje ledd, 3 a, annet ledd, 15 og 16.

### **8. Lov om oreigning av fast eigedom av 23.10.1959 nr. 3**

§ 25

Fylkesrådmannen har mynde til å søkje om førehandstiltreding.

### **9. Lov om rettshøve mellom grannar av 16.06.1961 nr. 15 og lov om grannegjerde av 05.05.1961.**

Fylkesrådmannen har mynde til å handle på vegner av fylkeskommunen i saker etter denne lova.

I saker med vesentlege kryssande interesser mellom fylkeskommunen som eigedomshavar og som offentleg planstyresmakt er det likevel fylkesutvalet som har mynde til å ta avgjerd.

### **10. Lov om vitenskapelig utforskning og undersøkelse etter og utnyttelse av andre undersjøiske naturforekomster enn petroleumsforekomster av 21.06.1963 nr. 12**

§ 2

Hovudutval for næring, naturressursar og innovasjon har mynde til å tildele konsesjon for undersøking og utnytting av skjelsand, sand og grus.

### **11. Veglov av 21.06.1963 nr. 23**

§ 3

Fylkesutvalet har mynde til å gje fråsegn i saker om å ta opp fylkesveg, kommunal veg eller privat veg som riksveg.

§ 4

Fylkesutvalet har mynde til å ta opp kommunal eller privat veg som fylkesveg.

§ 7

Fylkesutvalet har mynde til, etter innstilling frå hovudutval for samferdsel og mobilitet, å uttale seg om omgjerding av riksveg eller å gjere vedtak om nedlegging eller omgjerding av fylkesveg.

§ 8 jfr. § 7

Fylkesrådmannen har mynde til å omdisponere mindre parsellar av fylkesveggrunn som er blitt til overs ved omleggingsarbeid m.v.

§ 9

Fylkesutvalet har mynde som vegstyresmakt for fylkesvegar, dersom mynde ikkje i reglementet er lagt til andre.

§ 15

Fylkesrådmannen har mynde til å fastsetje at vedkomande kommune skal syte for eigedomsinngrep etter §§ 49 og 50, jfr. § 60, og for å få gjort arbeidet på fylkesvegstrekingar som ligg i kommunen.

§20.2.ledd

Fylkesrådmannen har mynde etter § 20, 2. ledd, til å kunne inngå semje med ein kommune om at fylkeskommunen skal ta heile eller delar av kostnaden med planlegging, bygging og utbetring av kommunal veg i tilknytning til fylkesveg.

§ 29, 4. ledd

Fylkesrådmannen har mynde til for særskilt strekning å setje byggegrensa til ein mindre avstand enn den som er nemnd i andre ledd, likevel ikkje mindre enn 15 meter.



§ 29, 5. ledd andre punktum

Fylkesrådmannen har mynde til i særskilde høve å fastsetje ei anna byggegrense for det einskilde krysset.

§ 30, 4. ledd

Fylkesrådmann har mynde til å gi retningslinjer for plassering av skogsvirke ved fylkesveg.

§ 38

Fylkesrådmannen har mynde til å leggje ned byggjeforbod i område for planlagt veg og forlenga fristen for når forbodet skal falla bort.

§ 44

Fylkesrådmannen har mynde til å krevja at eigar eller brukar av grunn ved vegen skal flytte eller endre gjerdet mot vederlag.

§ 45

Fylkesrådmannen har mynde til å fastsetje plassering av gjerde.

§ 47

Fylkesrådmannen har mynde til å syta for at gjerde blir flytta, rive, endra eller sett i stand når det er oppsett eller innretta i strid med det som er fastsett i eller med heimel i § 45.

§ 50

Fylkesrådmannen er vegstyresmakt etter denne paragrafen om eigedomsinngrep mot vederlag etter skjønn.

§ 57

Fylkesrådmannen er vegstyresmakt etter denne paragrafen om løyve til inngrep på eller nær eigedomsområdet til offentlig veg.

Klage

Den fylkeskommunale klagenemnda oppnemnd i medhald av forvaltningslova § 28, 2. ledd tek avgjerd i klagesaker der det er klaga over vedtak gjort i medhald av veglova og der fylkeskommunen eller fylkeskommunalt organ er klageinstans.

Forskrifter

*Forskrift om anlegg av offentlig veg av 29.03.2007 nr. 363*

Der forskrifta plasserer mynde eller oppgåver til fylkestinget eller fylkeskommunen utan nærare spesifikasjonar med omsyn til instans eller organ, har fylkesrådmannen mynde til å opptre på vegner av fylkeskommunen, med unntak av:

§ 3. Vegnormaler pkt. 4.

Hovudutval for samferdsel og mobilitet har mynde til å fråvike vegnormalane når det gjeld «skal - krav»

*Forskrift om minimum sikkerhetskrav til visse tunneler på fylkesvegnettet og kommunalt vegnett i Oslo (tunnelsikkerhetsforskrift for fylkesveg m.m.) av 2014-10-12 nr. 1566*

Der forskrifta plasserer mynde eller oppgåver til fylkestinget eller fylkeskommunen utan nærare spesifikasjonar med omsyn til instans eller organ, har fylkesrådmannen mynde til å opptre på vegner av fylkeskommunen.

## **12. Lov om vegtrafikk (vegtrafikkloven) av 18.06.1965 nr. 4**

§ 40 a.

Trafikktryggingutvalet har ansvar for å tilrå og samordna tiltak for å fremja trafikktryggleiken i fylket.

Sjå eige reglement for trafikktryggingsutvalet.

### **13 . Lov om motorferdsel i utmark og vassdrag av 10.06.1977 nr. 82**

#### **§ 5**

Fylkesrådmannen har mynde til å gje fråsegn til utkast til forskrift om landing og start med luftfartøy på bestemte stader i utmark og vassdrag, og om bruk av motorfartøy på innsjøar mindre enn 2 kvadratkilometer når det ligg føre særlege grunnar.

### **14. Lov om kulturminne av 09.06.1978 nr. 50**

Jfr. Forskrift 09.02.1979 nr. 8785 om faglig ansvarsfordeling mv. etter kulturminnelova og Forskrift 30.04.1990 nr. 351 om delegering av myndighet etter kulturminnelova.

#### **§ 3, andre ledd første punktum**

Fylkesrådmannen har mynde til å avgjere at marka over eit automatisk freda kulturminne ikkje skal kunna nyttast til beite vidare.

#### **§ 3, andre ledd andre punktum**

Fylkesrådmannen har mynde til å avgjere om pløying og anna jordarbeid djupare enn tidlegare kjem i konflikt med automatisk freda kulturminne.

#### **§ 6**

Fylkesrådmannen har mynde til å fastsetje sikringssone.

#### **§ 8**

Fylkesrådmannen har mynde til å ta i mot og behandle meldingar om tiltak som kan verke inn på automatisk freda kulturminne.

#### **§ 9 andre ledd**

Fylkesrådmannen har mynde til å ta imot planar om, forlange uttalefrist og gje uttale om tiltak som kjem inn under reglane om undersøkingsplikt.

#### **§ 11**

Fylkesrådmannen har mynde til å registrere og vedlikehalde m.v. automatisk freda kulturminne, med unntak for dei kulturminna som ved forskrift er lagde til Riksantikvaren.

#### **§ 13**

Fylkesrådmannen har mynde til å ta imot meldingar om funn av lause kulturminne.

#### **§15 /§19**

Fylkesrådmannen har mynde til å varsle oppstart av fredings saker.

#### **§ 15a**

Fylkesrådmannen har mynde til i særlege tilfelle å gjere unntak frå vedtak om freding og fredingsreglar som ikkje fører til vesentlege inngrep i det freda kulturminnet/området.

#### **§ 17**

Fylkesrådmannen har mynde til å undersøkje freda bygning som står i fare for å forfalla grunna manglande vedlikehald, og gje pålegg om istandsetjing ved forsømt vedlikehald av freda bygning, anlegg m.v og oppfølging av pålegg om istandsetjing med unntak av dei kulturminna som ved forskrift er lagde til Riksantikvaren.

#### **§ 18 første ledd**

Fylkesrådmannen har mynde til å ta imot melding om freda bygning, anlegg m.v. som er skada ved brann eller liknande, og avgjera om denne skal setjast i stand eller gjenreisast med unntak av dei kulturminna som ved forskrift er lagde til Riksantikvaren.

#### **§ 18 andre ledd**

Fylkesrådmannen har mynde til å ta imot melding når forsikringstilfelle er oppstått og avgjere at forsikringssummen ikkje skal utbetalast før saka er avgjort etter første ledd, med unntak for dei kulturminna som ved forskrift er lagde til Riksantikvaren.

#### § 19 tredje ledd

Fylkesrådmannen har mynde til i særlege tilfelle å gjere unntak frå vedtaket om freding og fredingsreglar for tiltak som ikkje medfører vesentlege inngrep i det freda kulturminnet/området.

#### § 20 tredje ledd

Fylkesrådmannen har mynde til i særlege tilfelle å gjere unntak frå vedtak om freding og fredingsreglar for tiltak som ikkje medfører vesentlege inngrep i det freda området.

#### § 21

Fylkesrådmannen har mynde til å gjennomføra skjøtsel i område freda etter §§ 19 og 20.

#### § 22

Hovudutval for kultur, idrett og integrering har mynde til å gje fråsegn i saker om endeleg freding.

Fylkesrådmannen har mynde til å gjera vedtak om mellombels freding inntil saka er avgjort, med unntak for samisk kulturminnevern.

#### § 25

Fylkesrådmannen har mynde til å ta imot melding, søknad, og vedtak om tiltak som er omfatta av lova.

### **15. Lov om vern mot forurensninger og om avfall (forurensningsloven) av 13.03.1981 nr. 6**

#### § 81

Fylkesutvalet har mynde til å gjere enkeltvedtak i saker der fylkeskommunen er forureiningsstyresmakt.

Fylkesrådmannen har mynde til å gje fråsegn i konsesjonssaker.

### **16. Lov om rettergangsmåten i straffesaker (Straffeprosessloven) av 22.05.1981 nr. 25**

#### § 81 a.

Fylkesrådmannen har mynde til å krevje offentleg påtale og fremje eventuelt krav om erstatning (borgarlege rettskrav) i saker som gjeld brotsverk mot fylkeskommunal eigedom og inventar, og til å krevja offentleg påtale av tilsette. I saker som gjeld påtale av tilsette kan mynde ikkje vidaredelegerast.

Fylkesordføraren har mynde til å krevje offentleg påtale og fremje eventuelt krav om erstatning (borgarlege rettskrav) for andre lovbrøt enn dei som er nemnd over.

### **17. Lov om jakt og fangst av vilt (viltloven) av 29.05.1981 nr. 38**

#### § 21, 2. ledd

Fylkesrådmannen har mynde til for bestemte område og tidsrom å auke eller minske avstanden på 2 km frå land, under dette også holmar og skjær, der det er forbode å drive jakt frå motorbåt eller anna flytande eller svevande fartøy drive med motor.

#### § 51, 1. ledd

Fylkesrådmannen har mynde til å godkjenne fastsetjing av skotpremie.

*Forskrift om jakt- og fangsttider samt sanking av egg og dun for jakt sesongene 1. april 2017 til og med 31. mars 2022*

#### § 3

Fylkesutvalet har mynde til å fastsetje forskrifter om utvida eller innskrenka jakttid for elg og hjort, og å opne for eller utvide jakt på kanadagås og stripegås.

Fylkesrådmannen har mynde til å avstå frå høyring på endring når det ikkje er grunnlag for det.

#### **18. Lov om tannhelsetjenesten av 03.06.1983 nr. 54**

##### § 2-3

Den fylkeskommunale klagenemnda oppnemnd i medhald av forvaltningslova § 28, 2. ledd tek avgjerd i klagesaker.

##### § 4-2

Fylkesrådmannen har mynde til å inngå avtalar med privatpraktiserande tannlegar.

#### **19. Lov om gjeldsforhandling og konkurs (konkursloven) av 08.06.1984 nr. 58**

Fylkesrådmannen har mynde til å krevja at buet til ein skuldnar vert teke under konkurshandsaming.

Vil konkursen føra til tap av arbeidsplassar, skal saka likevel leggjast fram for hovudutval for næring, naturressursar og innovasjon til avgjerd.

#### **20. Lov om folkebibliotek av 20.12.1985 nr. 108**

##### § 6

Hovudutval for kultur, idrett og integrering har mynde til å inngå avtalar om felles bibliotekdrift med ein eller fleire kommunar.

#### **21. Lov om stadnamn av 18.05.1990 nr. 11**

##### § 5

Hovudutval for samferdsel og mobilitet har mynde til å gjere vedtak om skrivemåten av namn på fylkeskommunale vegar, anlegg o.l.

##### § 6

Fylkesutvalet har mynde til å gje fråsegn i saker som gjeld område som femner om meir enn ein kommune.

##### § 10

Fylkesutvalet har mynde til å klage på vedtak om skrivemåten.

#### **22. Lov om produksjon, omforming, overføring, omsetning og fordeling av energi m.m. (energilova) av 29.06.1990 nr. 50.**

##### § 2-1

Fylkesutvalet har mynde til å gje fråsegner til meldingar med konsekvensutgreiingsprogram og konsesjonssøknader.

Fylkesrådmannen har delegert mynde til å gje fråsegn i enkle og uproblematiske saker.

Fylkesrådmannen har mynde til å til å trekkje seg frå inngått avtale.

#### **23. Lov om laksefiske og innlandsfisk m.v. av 15.05.1992 nr. 47.**

Fylkesrådmannen har mynde til å ta avgjerd i saker som ved forskrifter til denne lova er lagt til fylkeskommunen å ta avgjerd i.

#### **24. Lov om tvangsfullbyrdelse og midlertidig sikring (tvangsfullbyrdelsesloven) av 26.06.1992 nr. 86.**

Fylkesrådmannen har mynde til å setje i verk dei tiltak tvangsfullbyrdingslova heimlar når det gjeld sikring og inndriving av uteståande pengekrav, og å fullbyrda krav og rettar som gjeld anna enn

betaling av pengar. Han har og mynde til å kaste ut leigetakar når leigetida er ute eller leigesummen ikkje er betalt i rett tid.

Fylkesutvalet har mynde til å nytte anke, krevje oppfrisking, krevje saka teken opp på ny eller å nytte andre rettsmiddel.

Fylkesrådmannen har mynde i kurante saker til å nytte dei rettsmidlane som er nødvendige for å få fullbyrda saka.

## **25. Lov om anlegg og drift av jernbane, herunder sporvei, tunnelbane og forstadsbane m.m. (jernbaneloven) av 11.06.1993 nr. 100**

### § 7, 2. ledd

Fylkesutvalet har mynde til å fastsetje transportvilkår når fylkeskommunen gir tilskot til lokal jernbane i fylket.

### § 8 d

Fylkesrådmannen har mynde til å krevje informasjon om tilsette i verksemda som driv transporten.

## **26. Lov om opplæring av 17.07.1998 nr. 61**

### § 1-5

Fylkesrådmannen har mynde til å søkje om løyve til at det vert gjort avvik frå lova og forskriftene etter lova i samband med tidsavgrensa pedagogiske eller organisatoriske forsøk. **Søknader om forsøk som inneber avvik frå vedtekne budsjettrammer eller vedteken tilbudsstruktur skal godkjennast av Hovudutval for opplæring og kompetanse.**

### § 3-1

Hovudutval for opplæring og kompetanse har mynde til årleg å vedta tilbodet om vidaregåande opplæring i fylket innanfor den økonomiske ramma som er vedteken av fylkestinget.

### § 3-1, første ledd

Fylkesrådmannen har mynde til å ta inn elevar til vidaregåande opplæring, jf. også forskrift til opplæringslova kap. 6.

### § 3-1, femte ledd

Fylkesrådmannen har mynde til å fatte vedtak om at elev som etter reglane i kap. 5 har rett til spesialundervisning kan få vidaregåande opplæring i ytterlegare 2 år når eleven etter sakkunnig vurdering treng det.

### § 3-1, sjuande ledd

Fylkesrådmannen skal tilby anna opplæring dersom ein elev eller ein lærling har særlege vanskar med å følgje den opplæringa som er vald.

### § 3-1, niande ledd

Fylkesrådmannen kan påleggje elevane, lærlingane og lære kandidatane å dekkja utgifter så langt det følgjer av forskrift og å halde seg med anna individuelt utstyr som opplæringa til vanleg gjer det nødvendig å ha.

### § 3-1, tiande ledd

Fylkesrådmannen har mynde til å gje ungdom med rett til vidaregåande opplæring etter § 3-1 opplæring etter § 4A-3 i staden når det ligg føre særlege grunnar.

### § 3-2, tredje ledd

Fylkesrådmannen har mynde til å gje forskrifter om skule- og feriedagar i skuleåret for elevane.

#### § 3-3, fjerde ledd

Fylkesrådmannen har mynde til å godkjenne lærekontrakt eller opplæringskontrakt som inneheld unntak frå den fastsette opplæringsordninga for den delen som gjeld opplæring i bedrift.

#### § 3-3, femte ledd

Fylkesrådmannen skal syte for å utarbeide tilbod om opplæring i skule når det ikkje kan formidlast opplæring i bedrift.

#### § 3-3, sjetle ledd

Fylkesrådmannen skal syte for å utarbeide tilbod om teoriopplæring for lærlingar og lære kandidat ar når dei ikkje kan få det i bedrift.

#### § 3-4, siste ledd

Fylkesrådmannen har mynde til å søkje om løyve til avvik frå forskrifter om læreplanar etter fråsegn frå skuleutvalet.

#### § 3-5

Fylkesrådmannen har mynde til å avgjere om den praksisen som kandidaten viser til, kan godkjennast.

Fylkesrådmannen har mynde til å godkjenne kortare praksis i særlege tilfelle.

#### § 3-6

Fylkesrådmannen skal syte for å organisere tenesta.

#### § 3-9

Fylkesrådmannen har mynde til å gjere vedtak om vidaregåande opplæring i og på teiknspråk når eleven etter sakkunnig vurdering har behov for det.

#### § 3-10

Fylkesrådmannen har mynde til å gjere vedtak om opplæring i punkt skrift og i bruk av nødvendige tekniske hjelpemiddel, og i å ta seg fram på, til og frå skulen og i heimemiljøet når eleven etter sakkunnig vurdering har behov for det.

#### § 3-12

Fylkesrådmannen har mynde til å gjere vedtak om særskild språkopplæring for elevar frå språklege minoritetar og gjere vedtak om opplæring i særskilt organisert tilbod.

#### § 4-3, første ledd, jfr. siste ledd

Fylkesrådmannen har mynde til å godkjenne lærebedrifter og gjera vedtak om tap av godkjenning.

#### § 4-3, andre ledd

Fylkesrådmannen har mynde til å godkjenne opplæringskontor eller opplæringsring som inngår i opplæringskontor.

#### § 4-4, fjerde ledd

Fylkesrådmannen har mynde til å behandle melding frå bedrifter som ikkje kan gje lærlingen tilfredsstillande opplæring.

#### § 4-5, andre ledd

Fylkesrådmannen har mynde til å godkjenne lærekontakt og opplæringskontrakt.

#### § 4-6, første ledd

Fylkesrådmannen har mynde til å samtykke i endring av lærekontrakt eller opplæringskontrakt.

#### § 4-6, tredje og fjerde ledd

Fylkesrådmannen har mynde til å samtykke i heving av lærekontrakt, kontrakt om fagbrev på jobb eller opplæringskontrakt, og avgjere når læreforholdet skal ta slutt.

§ 4-6, sjette ledd

Fylkesrådmannen har mynde til å samtykke i at læretida kan avbrytast i samband med permisjon.

§ 4-6, sjuande ledd

Fylkesrådmannen har mynde til å gjere vedtak om forlenga kontrakttid i inntil eitt år i ny lærebedrift.

§ 4-7

Fylkesrådmannen har mynde til å behandle saker om internkontroll i lærebedrift.

§ 4-8, første ledd

Fylkesrådmannen har mynde til å behandle fylkeskommunen sine oppgåver knytte til fagopplæringa, med unntak av der mynde er lagt til andre.

Fylkesrådmannen skal i samband med godkjenning av lærebedrifter drive rettleiing og oppfølging, samt kontroll av at den enkelte lærebedrift fyller krava for å få godkjenning.

§ 4-8, andre ledd

Fylkesrådmannen skal leggje fram saker som har betydning for fag- og yrkesopplæringa for yrkesopplæringsnemnda, før fylkeskommunen gjer vedtak i slike saker.

§ 4-8 tredje ledd

Fylkesrådmannen har mynde til å skrive ut fag- og sveinebrev på grunnlag av bestått prøve, samt kompetansebevis for opplæring som er gjennomført.

§ 4-8, fjerde ledd

Fylkesrådmannen har mynde til å godkjenne praksis for kandidatar som melder seg til fagprøve eller sveineprøve utan læretid.

§ 4-8, siste ledd

Fylkesrådmannen har mynde til, etter forslag frå yrkesopplæringsnemnda, å nemne opp ei eller fleire prøvenemnder. Fylkesrådmannen kan eventuelt nemne opp prøvenemnder i samarbeid med andre fylkeskommunar.

§ 4 A-1

Fylkesrådmannen har mynde til å tilby grunnskoleopplæring til søkjarar som har rett til opplæring etter § 3-1, men som har behov for meir grunnskoleopplæring.

§ 4A-3, første ledd

Fylkesrådmannen har mynde til å ta inn vaksne elevar til vidaregåande opplæring.

§ 4A-3, fjerde ledd

Fylkesrådmannen kan påleggje vaksne som får vidaregåande opplæring å dekkja utgifter så langt det følgjer av forskrift, og å halda seg med anna individuelt utstyr som opplæringa til vanleg gjer det nødvendig å ha.

§ 4A-3, sjette ledd

Fylkesrådmannen skal gje kompetansebevis på grunnlag av realkompetansevurdering på vidaregåande opplæringsnivå.

§ 4A-4, andre ledd

Fylkesrådmannen har mynde til å ta avgjerd om det skal nyttast studieforbund, fjernundervisningsinstitusjonar eller andre som gjev tilbod om vidaregåande opplæring for å oppfylla plikta til å gje opplæring til vaksne.

§ 4A-4, tredje ledd

Fylkesrådmannen skal syte for at vaksne får dokumentert opplæringa dei har gjennomført.

§ 4A-4, fjerde ledd

Fylkesrådmannen skal leggje til rette for at vaksne får høve til å ta aktivt del i arbeidet med å fremje eit godt læringsmiljø og utdanningstilbod.

§ 4A-7

Fylkesrådmannen skal syte for å ordne skyss for vaksne som får grunnskuleopplæring.

§ 4A-8

Fylkesrådmannen skal syte for at vaksne elevar får rådgiving og kartlegging av kva tilbod den vaksne har behov for.

§ 4A-9

Fylkesrådmannen har mynde til å gjere vedtak om bortvising av ein elev frå resten av kurset eleven/deltakaren er teken inn på. I samband med eit vedtak om bortvising for resten av kurset har fylkesrådmannen også mynde til å gjera vedtak om at eleven/deltakaren skal mista retten til vidaregåande opplæring etter § 4A-3. Slik mynde kan ikkje delegerast vidare til organ på skulen.

§ 5-1

Fylkesrådmannen har mynde til å fatte vedtak om spesialundervisning for elevar som ikkje har eller som ikkje kan få tilfredsstillande utbytte av det ordinære opplæringstilbodet, jf. §§ 5-3 og 5-4.

§ 5-5

Fylkesrådmannen skal syte for at rektorane sine skriftlege oversikter over elevane si opplæring (spesialpedagogiske) ein gong i året vert sendt fylkeskommunen som skuleeigar.

§ 5-6

Fylkesrådmannen skal syte for å organisere ei pedagogisk-psykologisk teneste.

§ 6-3

Fylkesrådmannen skal syte for å organisere opplæring i samisk for samar i vidaregåande.

§ 7-2, første ledd

Fylkesrådmannen skal syte for å organisere dagleg skyss for elevar som har rett til dette.

§ 7-2, tredje ledd

Fylkesrådmannen skal hjelpe til med å skaffe losji for elevar i den vidaregåande skulen som bur slik til, eller som har så lang veg, at dei ikkje kan nytte dagleg skyss til skulen.

Fylkesrådmannen har mynde til å fastsetje satsar for kost og losji ved internata ved dei vidaregåande skulane.

§ 7-3

Fylkesrådmannen skal syte for å organisere skyss for elevar som på grunn av funksjonshemming eller mellombels skade eller sjukdom, har rett til skyss.

§ 7-4

Fylkesrådmannen skal syte for å organisere nødvendig reisefølgje.

§ 9-7

Hovudutval for opplæring og kompetanse har mynde til å fastsetje reaksjonar i ordensreglementet ved brot på forbodet mot bruk av klesplagg som heilt eller delvis dekkjer ansiktet

§ 9 A-4 og § 9 A-5

Fylkesrådmannen skal ivareta skuleeigarrolla ved alvorlege hendingar knytt til elever sitt skulemiljø.

§ 9A-10

Hovudutval for opplæring og kompetanse har mynde til å gje forskrifter om ordensreglement for den enkelte vidaregåande skule.



§ 9A-11, andre ledd

Hovudutval for opplæring og kompetanse kan fastsetje i ordensreglement at ein elev som alvorleg eller fleire gonger bryt reglementet, kan visast bort i inntil 5 dagar.

Hovudutval for opplæring og kompetanse kan fastsetje i ordensreglementet at elevar kan visast bort for resten av skuleåret dersom brota er særleg alvorlege.

§ 9A-11, tredje ledd

Fylkesrådmannen har mynde til å gjere vedtak om bortvising for resten av skuleåret av ein elev som vedvarande har vist ei framferd som i alvorleg grad går utover orden og arbeidsro på skulen, eller som alvorleg forsømmer pliktene sine. Slik mynde kan ikkje delegerast vidare til organ på skulen.

§ 9A-12, fjerde ledd

Fylkesrådmannen har mynde til å gjere vedtak om skulebyte for elevar i vidaregåande opplæring.

§ 10-2, siste ledd

Fylkesrådmannen har mynde til å fråvike kravet om relevant kompetanse i undervisningsfag i tilfelle der skulen ikkje har nok kvalifisert undervisningspersonale i faget.

§ 10-8

Fylkesrådmannen skal ha eit system for at undervisningspersonell, skuleleiarar og personell med særoppgåver i skulen får nødvendig kompetanseutvikling.

§ 11-5a

Fylkesrådmannen har mynde til å bestemme at skuleutvalet kan vera skulemiljøutval.

§ 12-3

Fylkestinget nemner opp yrkesopplæringsnemnd.

§ 13-2 Opplæring i institusjonar etter barnevernlova

Fylkesrådmannen skal syte for å organisere opplæring i institusjonar etter barnevernlova.

§13-2 a Opplæring i fengsel

Fylkesrådmannen skal syte for å organisere opplæring i fengsel.

§ 13-3, første ledd

Fylkesrådmannen skal syte for å oppfylle retten til vidaregåande opplæring etter opplæringslova for alle som er busette i fylkeskommunen.

§ 13-3, andre ledd

Fylkesrådmannen skal syte for å gi tilbod til søkjarar frå andre fylke ved ledig kapasitet.

§ 13-3, tredje ledd

Fylkesrådmannen skal syte for å gi tilbod til søkjarar utan rett etter § 3-1 og 4A-3.

§ 13-3 a

Fylkesrådmannen skal syte for å organisere opplæring i helseinstitusjonar.

§ 13-3b

Fylkesrådmannen skal syte for ulykkesforsikring for elevane.

§ 13-3c

Fylkesrådmannen skal syte for rettleiing og kvalitetsutviklingstiltak.

§ 13-3d

Fylkesrådmannen skal syte for foreldresamarbeid.

§ 13-4, første ledd

Fylkesrådmannen skal syte for skyss, reisefølge og tilsyn etter reglane i § 13-4, kapittel 7 i opplæringslova og § 4A-7.

§ 13-4, andre ledd

Fylkesrådmannen skal organisere skuleskyssen i samråd med kommunane.

§ 13-10

Fylkesrådmannen skal syte for at det finst eit forsvarleg system for vurdering av om krava i opplæringslova og forskriftene til lova blir oppfylte og eit forsvarleg system for oppfylging av resultatane frå vurderingane.

**Forskrift til opplæringslova av 23.06.2006 nr. 724**

Der forskriftene til opplæringslova plasserer mynde eller oppgåver til fylkestinget eller fylkeskommunen utan nærare spesifikasjonar med omsyn til instans eller organ, har fylkesrådmannen mynde til å opptre på vegner av fylkeskommunen, med unntak av:

§ 5-14, 5.ledd Fylkeskommunal klagenemnd har mynde.

**49. Lov om høgare yrkesfaglig utdanning (fagskoleloven) av 08.06.2018 nr.28**

§ 29

Fylkesrådmannen har mynde til å tildele tilskot til fagskular etter søknad.

**Lov om frittstående skolar (friskolelova) av 04.07.2003 nr. 84**

§ 3-1

Fylkesrådmannen skal vurdere realkompetansen til ein vaksen søker før han eller ho kan takast inn som elev ved ein vidaregåande friskule.

§ 3-3

Fylkesrådmannen har mynde til å gjere vedtak om opplæring inntil to år ekstra, jf opplæringslova §3-1.

§ 3-5, første og femte ledd

Fylkesrådmannen har mynde til å gjere vedtak om særskilt språkopplæring og vedtak om organisering i særskilt opplæringstilbod for nykomne elevar.

Fylkesrådmannen har mynde til å dekkje utgiftene til særskilt opplæring i friskular.

§ 3-6

Fylkesrådmannen har mynde til å utarbeide sakkyndig vurdering for elevar i friskular.

Fylkesrådmannen har mynde til å gjere vedtak om spesialundervisning for elevar i friskular.

Fylkesrådmannen har mynde til å dekkje utgiftene til spesialundervisning i friskular.

§ 3-7 Skyss

Fylkesrådmannen har mynde til å gjere vedtak om skyss for elevar i friskular.

Fylkesrådmannen har mynde til å dekkje utgifter etter reglane i opplæringslova § 13-4.

§ 3-10

Fylkesrådmannen har mynde til å gjere vedtak om bortvising frå resten av skuleåret. Slikt vedtak kan ikkje delegerast vidare til organ på friskulen.

## **27. Lov om vassdrag og grunnvann (vannressurslova) av 24.11.2000 nr. 82**

Fylkesutvalet har mynde til å gje fråsegn i saker etter vassressurslova. Fylkesrådmannen har mynde til å gje fråsegn i enkle og uproblematiske saker, til dømes terskelbygging og forbyggingssaker.

*Forskrift om rammer for vannforvaltningen av 15.12.2006 nr. 1446 § 20*

Fylkesutvalet er vassregionstyresmakt.

## **28. Lov om fastsetjing og endring av kommune- og fylkesgrenser (inndelingslova) av 15.06.2001 nr. 70**

§ 9

Fylkesutvalet har mynde til å gje fråsegn i samband med grenseendring eller grensefastsetjing i kommunane.

## **29. Lov om vern mot brann, eksplosjon og ulykker med farlig stoff og om brannvesenets redningsoppgaver (brann- og eksplosjonsvern) av 14.06.2002 nr. 20 med forskrifter**

Fylkesrådmannen har mynde til å ivareta fylkeskommunen sine rettar og plikter og til å opptre på vegner av fylkeskommunen overfor tilsynsstyresmakter.

## **30. Lov om yrkestransport med motorvogn og fartøy (yrkestransportlova) av 21.06.2002 nr. 45**

§ 8

Fylkesutvalet har mynde til å avgjere om det skal nyttast konkurranse ved tildeling av løyve etter §§ 6 og 7.

§ 13 jfr § 6.

Fylkesutvalet har mynde til, etter innstilling frå hovudutval for samferdsel og mobilitet, å tildele ruteløyve, og til å gje fråsegn til søknader om bussruter som går gjennom to eller fleire fylker.

Fylkesrådmannen har mynde til å tildele ruteløyve når det er nytta konkurranse i fylkeskommunal regi.

§ 13 jfr § 7.

Fylkesutvalet har mynde til, etter innstilling frå hovudutval for samferdsel og mobilitet, å tildele løyve for persontransport i rute med luftputefartøy og anna fartøy, med unntak av riksvegferje, og til å gje fråsegn til søknader om riksvegferjer.

Fylkesrådmannen har mynde til å tildele løyve for persontransport i rute med luftputefartøy og anna fartøy, med unntak av riksvegferje, og til å gje fråsegn til søknader om riksvegferjer når det er nytta konkurranse i fylkeskommunal regi.

§ 12, jfr § 9

Hovudutval for samferdsel og mobilitet har mynde til å fastsetje løyvetal for ordinære drosjeløyve og reserveløyve.

Fylkesrådmannen har mynde til å tildele løyve for persontransport med motorvogn utanom rute, og gje påbod om at det skal skipast drosjesentralar og ordningar for desse.

§ 22

Fylkesutvalet har mynde til å yte godtgjersle til rutetransport innan fylket, med unntak av riksvegferjer.

Fylkesutvalet har mynde til å fastsetje kontraktsform og retningsliner som skal gjelde ved tildeling av godtgjersle.

#### § 27

Fylkesrådmannen har mynde til å fastsetje kollektivtrafikkstar i periodar der det er vedteke å ta i bruk mellombelse auka bompengetakstar (beredskapstakstar) i Bergen etter § 27 i veglova.

#### § 23

Fylkesutvalet har mynde til å vedta at godtgjersle til rutetransport skal gå til eit selskap som administrerer rutesambanda.

#### § 28

Fylkesutvalet har mynde til å gje samtykke til overføring av ruteløyve.

Fylkesrådmannen har mynde til å gje samtykke til overføring av godstransport og løyve for persontransport med motorvogn utanom rute.

#### § 29

Det organet som har mynde til å tildele løyve har og mynde til å tilbakekalle løyvet.

#### § 36

Fylkesrådmannen har mynde til å gje løyvefritak etter yrkestransportforskrifta § 36 med årleg oversikt til Fylkesutvalet.

#### § 37

Fylkesrådmannen har ansvar for planleggingsoppgåver som er pålagt fylkeskommunen i yrkestransportlova § 37 og i forskrift for sivil transportberedskap.

*Forskrift om yrkestransport innenlands med motorvogn eller fartøy av 26.03.2003 nr. 401*

Fylkesutvalet har mynde til å gjere vedtak etter forskrifta § 37, 1.ledd, 1.setning.

Hovudutval for samferdsel og mobilitet har mynde til å gjera vedtak etter forskrifta §§ 30, 32, 33, 37, 1.ledd, 2.setning, 46, 1.ledd, 4.ledd, 7.ledd.

Mynde til å gjera vedtak etter §§ 16 og 18 har den som har mynde til å tildela løyve, jfr. § 29 over.

Der forskrifta elles plasserer mynde eller oppgåver til fylkeskommune eller løyvestyresmakt, har fylkesrådmannen mynde til å opptre på vegner av fylkeskommunen/løyvestyresmakta.

*Forskrift om universell utforming av motorvogn i løyvepliktig transport mv. av 03.12.2009 nr. 1438*

Fylkesrådmannen har mynde til å gjere vedtak etter Forskrift om universell utforming av motorvogn i løyvepliktig transport mv. av 03.12.2009.

### **31. Lov om folkehøyskoler (folkehøyskoleloven) av 06.12.2002 nr. 72**

#### § 5

Den fylkeskommunale klagenemnda oppnemnd i medhald av forvaltningslova § 28, 2. ledd tek avgjerd i klagesaker som gjeld skulen sitt verdigrunnlag og mål når skuleeigar er klageinstans.

### **32. Lov om elektronisk kommunikasjon (ekomloven) av 04.07.2003 nr. 83 med forskrifter**

Fylkesrådmannen har mynde til å ivareta fylkeskommunen sine rettar og plikter og til å opptre på vegner av fylkeskommunen overfor tilsynsstyresmakter.

### **33. Lov om private skolar med rett til statstilskot (friskolelova) av 04.07.2003 nr. 84.**

#### § 2-1, første ledd

Hovudutval for opplæring og kompetanse har mynde til å gje fråsegn om å godkjenna vidaregåande skular og at ein skule flyttar verksemda si til ein annan fylkeskommune før departementet gjer vedtak.

Hovudutval for opplæring og kompetanse har mynde til å klage på departementet sitt vedtak.

#### § 3-3, fjerde ledd

Fylkesrådmannen har mynde til å gjere vedtak om omval etter opplæringslova § 3-1 og opplæring i inntil 2 år ekstra for elevar i vidaregåande skular som er godkjende etter privatskulelova.

#### § 3-6, andre ledd

Fylkesrådmannen har mynde til å utarbeide sakkunnig vurdering, gjere vedtak om spesialundervisning og dekkje utgiftene til slik opplæring.

#### § 3-7, andre ledd

Fylkesrådmannen har mynde til å gjere vedtak om skyss for elevar i vidaregåande skular godkjende etter privatskulelova og dekking av utgiftene i høve til reglane i opplæringslova § 13-4.

Den fylkeskommunale klagenemnda oppnemnd i medhald av forvaltningslova § 28, 2. ledd tek avgjerd i klagesaker etter denne paragrafen.

#### § 3-10, andre ledd

Fylkesrådmannen har mynde til å fatte vedtak om bortvising for resten av skuleåret og om eleven skal miste retten til vidaregåande opplæring etter opplæringslova § 3-1 når det gjeld vidaregåande skular etter denne lova. Slik mynde kan ikkje delegerast vidare til organ ved skulen.

#### § 5-1

Hovudutval for opplæring og kompetanse har mynde til å nemne opp ein representant til styret når det gjeld skular som er godkjente etter § 2-1 bokstavane a-d (vidaregåande skular).

### **34. Lov om arbeidsmiljø, arbeidstid og stillingsvern mv. (arbeidsmiljøloven) av 17.06.2005 nr. 62**

Jfr. Forskrift 03.08.2009 nr. 1028 om sikkerhet, helse og arbeidsmiljø på bygge- eller anleggsplasser (byggherreforskrifta).

Fylkesrådmannen har mynde til å opptre som byggherre på vegner av fylkeskommunen med dei rettar og plikter som forskrifta gir.

### **35. Lov om akvakultur (akvakulturloven) av 17.06.2005 nr. 79**

Fylkesrådmannen har mynde til å behandle søknader om akvakulturløyve.

Fylkesrådmannen har mynde knytt til registreringsordning av akvakultur.

*Jfr. Forskrift om tildeling og drift ved havbeiteverksemd (havbeiteforskrifta) av 28.08.2003 nr. 1110  
Forskrift om tillatelse til akvakultur av andre arter enn laks, ørret og regnbueørret av 22.12.2004 nr. 1799*

*Forskrift om særskilte krav til akvakulturrelatert virksomhet i eller ved nasjonale laksevassdrag og nasjonale laksefjorder av 22.06.2009 nr. 961*

*Forskrift om tillatelse til akvakultur for laks, ørret og regnbueørret (laksetildelingsforskrifta) av 22.12.2004 nr. 1798*

Fylkesrådmannen har mynde til å gjere vedtak i saker der fylkeskommunen har avgjerdsmunde etter forskriftene.

### **36. Lov om mekling og rettgang i sivile saker (tvisteloven) av 17.06. 2005 nr.90.**

Fylkesutvalet har mynde til å bringe tvistesaker (ta ut stemning) inn for domstolane.

Fylkesordføraren har mynde til å gje nokon mynde som partsrepresentant for fylkeskommunen. Fylkesrådmannen har elles mynde i saker etter tvistelova.

### **37. Lov om eigedomsregistrering (matrikkellova) av 17.06.2005 nr. 101**

Fylkesrådmannen har mynde i høve det som er lagt til fylkeskommunen i lova.

### **38. Lov om utlendingers adgang til riket og deres opphold her (utlendingsloven) av 15.05.2008 nr. 35**

*Jfr. Forskrift om utlendingers adgang til riket og deres opphold her (utlendingsforskriften) av 15.10.2009 nr. 1286*

Forskrifta § 6-18

Fylkesrådmannen har mynde til å gje uttale om det økonomiske grunnlaget for drift av næringsverksemd.

### **39. Lov om forvaltning av viltlevande marine ressursar (havressurslova) av 06.06.2008 nr. 37**

Fylkesrådmannen har mynde til å gjere vedtak i saker der fylkeskommunen har avgjerdsmynde etter forskrifter til lova.

### **40. Lov om meldeplikt ved nedlegging av næringsverksemd (omstillingslova) av 06.06.2008 nr. 84**

§ 3

Fylkesrådmannen har mynde til å ta i mot melding om nedlegging og be om meir informasjon.

§ 5, 1. og 2. ledd

Fylkesrådmannen har mynde til å kalle inn til møte og kartleggje og vurdere tiltak for vidare arbeid eller andre alternativ til å leggje ned bedrifta.

§ 6

Fylkesrådmannen har mynde til å gjera unntak frå råderettsbanda.

§ 7

Fylkesrådmannen kan påleggje den ansvarlege tvangsmulkt og setje frist for betaling.

Fylkesutvalet har mynde til å redusere eller gje opp tvangsmulka.

§ 8

Fylkesrådmannen kan påleggje den ansvarlege lovbrotsgebyr.

Fylkesutvalet har mynde til å redusere eller gje opp kravet om lovbrotsgebyr.

*Forskrift om tvangsmulkt og lovbrotsgebyr etter omstillingslova av 24.06.2008 nr. 713:*

§ 5, siste ledd

Den fylkeskommunale klagenemnda er klageorgan.

§ 6

Den fylkeskommunale klagenemnda er klageorgan.

### **41. Lov om offentlege styresmaktens ansvar for kulturverksemd (kulturlova) av 29.06.2007 nr. 89**

§ 4

Fylkesrådmannen har mynde til å syte for økonomiske, organisatoriske, informerande og andre relevante verkemiddel og tiltak som fremjar og legg til rette for eit breitt spekter av kulturverksemd regionalt og lokalt.

§5 b og c

Fylkesrådmannen har mynde til å fremje profesjonalitet, kvalitet og deltaking i kulturtilbodet og til å syte for at personar, organisasjonar og institusjonar har tilgang til informasjon om ordningar med økonomisk støtte og om andre verkemiddel og tiltak.

## **42. Lov om planlegging og byggesaksbehandling av 27.06.2008 nr. 71**

§ 1-9, tredje ledd

Fylkesrådmannen har mynde til å klage på enkeltvedtak etter lova dersom vedtaket direkte rører ved fylkeskommunen sitt saksområde.

§ 3-6

Fylkesutvalet har mynde til å starte arbeid med planar etter denne lova på område der staten, fylkeskommunen og kommunane saman har ansvar for å løyse planoppgåver av regionalt eller nasjonalt omfang.

§ 3-7

Fylkesutvalet har mynde til å vedta å overta heilt eller delvis dei oppgåvene planadministrasjonen i kommunen og fylkeskommunen har med å organisere planarbeidet og utarbeide planforslag.

§ 4-1

Fylkesutvalet har mynde til å utarbeide forslag til og vedta planprogram for regionale planar.

Fylkesrådmannen har mynde til å gje fråsegn til planprogram for kommunale planar.

§ 5-3

Fylkesrådmannen har mynde til å opprette regionalt planforum etter mandat fastsett av fylkestinget.

§ 5-4

Fylkesutvalet har mynde til, etter innstilling frå hovudutvala, å fremja motsegn til forslag til kommuneplanen sin arealdel, reguleringsplan og detaljplan.

Fylkesrådmannen har mynde til å trekkje motsegn når grunnlaget for motsegn ikkje lenger er til stades.

§ 5-6

Fylkesordførar/fylkesvaraordførar eller den fylkesordføraren gjev mynde deltek i mekling på vegner av fylkeskommunen.

§ 6-2

Fylkesutvalet har mynde til å gi høyringsfråsegn til statlege planretningslinjer.

§ 8-3

Fylkesutvalet har mynde til å utarbeide forslag til og vedta planprogram.

Fylkesutvalet har mynde til å utarbeide forslag til planprogram for plan med retningslinjer for framtidig utbygging og konsekvensar av planen for miljø og samfunn.

Fylkesutvalet har mynde til å utarbeide forslag til regional plan.

§ 8-3

Fylkesutvalet har mynde til å sende framlegg til plandokument på høyring.

§ 9-1

Fylkesutvalet har mynde til å be kommunar om samarbeid om planlegging når det er nødvendig for å ivareta omsyn og løyse oppgåver som går ut over den enkelte kommunen.

§ 9-4

Fylkesutvalet har mynde til å be kommunar om at arbeidet vert vidareført som regional plan når det er nødvendig for å ivareta omsyn og løysa oppgåver som går ut over den enkelte kommunen.

#### § 9-5

Fylkesrådmannen har mynde til å mekle etter oppmoding frå kommunane når dei er ueinige om innhaldet i eit samla planforslag.

#### § 9-6

Fylkesutvalet har mynde til å vedta endring av ein plan som er blitt til i interkommunalt samarbeid.

#### § 9-7

Fylkesutvalet har mynde til å vedta oppstart av planarbeid.

#### § 10-1

Fylkesrådmannen har mynde til å gje kommunane synspunkt til arbeidet med kommunal planstrategi.

#### § 11-4

Fylkesrådmannen har mynde til å gje synspunkt til handlingsdelen i kommuneplanen.

#### § 11-12

Fylkesrådmannen har mynde til å ta imot varsel om oppstart av arbeid med kommuneplan.

#### § 11-13

Fylkesrådmannen har mynde til å gje fråsegn til forslag til planprogram for kommuneplan.

Fylkesutvalet har mynde til å gje fråsegn til kommuneplanen sin samfunnsdel med handlingsdel.

Fylkesrådmannen har mynde til å gi fråsegn til kommuneplanen sin arealdel.

#### § 11-15

Fylkesrådmannen har mynde til å ta imot vedteken kommuneplan.

#### § 11-17

Fylkesrådmannen har mynde til å gje fråsegn til mindre endringar i kommuneplanen sin arealdel.

#### § 12-8

Fylkesrådmannen har mynde til å ta imot varsel om oppstart av arbeid med reguleringsplan.

#### § 12-9

Fylkesrådmannen har mynde til å gje fråsegn til planprogram for reguleringsplan.

Fylkesrådmannen har mynde til å gje fråsegn til reguleringsplan (områderegulering og detaljregulering). Fylkesutvalet skal likevel som hovudregel gje fråsegn i følgjande saker:

- Saker som er i strid med fylkeskommunen sine eigarinteresser når det gjeld eigedommar
- Saker som vedkjem regionale interesser

#### § 12-14

Fylkesrådmannen har mynde til å gje fråsegn til mindre endring og til oppheving av reguleringsplan.

#### § 14-4

Fylkesrådmannen har mynde til å varsle om negative miljøverknader.

#### 19 -1

Fylkesrådmannen har mynde til å gje fråsegn til søknad om dispensasjon

Hovudutval for kultur, idrett og integrering har mynde til å gje fråsegn til tematiske forvaltningsplanar som vedkjem kulturminne og kulturmiljø.

### **43. Lov om voksenopplæring (voksenopplæringsloven) av 19.06.2009 nr. 95**

#### § 6



Hovudutval for opplæring og kompetanse har mynde til å tildele tilskot til studieforbund.

Fylkesutvalet har mynde til å gje forskrifter for fordeling av tilskot til vaksenopplæring i studieforbund.

#### **44. Lov om forvaltning av naturens mangfold (naturmangfoldloven) av 19.06.2009 nr. 100**

§ 43

Fylkesutvalet har mynde til, etter innstilling frå det aktuelle utvalet, å gje fråsegn til forslag til verneforskrift.

#### **45. Lov om erverv og utvinning av mineralressurser (mineralloven) av 19.06.2009 nr. 101**

§ 12

Fylkesrådmannen har mynde til å gje uttale til Direktoratet for mineralforvaltning når det gjeld prøveuttak.

#### **46. Folkehelselova av 24.06.2011 nr. 29**

§ 20

Fylkesutvalet har mynde for fylkeskommunen sitt ansvar.

§ 21

Fylkesrådmannen har mynde for fylkeskommunen sitt ansvar.

#### **47. Jordskiftelova av 21.06.2013 nr. 100**

§ 1-5

Fylkesrådmannen har mynde til å fremje sak for jordskifteretten.  
Fylkesrådmannen har mynde til å førebu sak.

§ 8-1

Fylkesrådmannen har mynde til å avgjere om saka skal ankast.

#### **48. Lov om konfliktrådsbehandling (konfliktrådsloven) ---20.06.2014 nr.49**

§ 11.

Fylkesrådmannen har mynde til å gje samtykke til mekling i konfliktrådet.

§ 12

Fylkesrådmannen har mynde til å møte på vegner av fylkeskommunen på meklingsmøte i konfliktrådet.

§ 18

Fylkesrådmannen har mynde til å trekkje seg frå inngått avtale.

#### **49. Lov om høgare yrkesfaglig utdanning (fagskoleloven) av 08.06.2018 nr.28**

§ 29

Hovudutval for opplæring og kompetanse har mynde til å tildele tilskot til fagskuler etter søknad.

# **Reglement for finans- og gjeldsforvaltninga**

## **Vestland fylkeskommune**

Vedteke av fylkestinget xx xx 2019

## REGLEMENT FOR FINANS- OG GJELDSFORVALTNINGA

1. Finansreglementet sitt virkeområde .....	3
1.1 Føremålet med reglementet .....	3
1.2 Kven reglementet gjeld for.....	3
2. Heimel og gyldigheit .....	3
2.1 Heimel .....	3
2.2 Gyldigheit.....	3
3. Forvaltning og forvaltningstypar .....	3
4. Føremålet med fylkeskommunen sin finans- og gjeldsforvaltning .....	3
5. Generelle rammer og avgrensingar .....	4
6. Forvaltning av ledig likviditet og andre midlar berekna for driftsføremål .....	4
6.1 Kort likviditet .....	5
6.1.1 Innskot i bank .....	5
6.1.2 Pengemarknadsfond .....	5
6.2 Mellomlang likviditet .....	5
6.2.1 Pengemarknadsfond .....	5
6.2.2 Korte obligasjonsfond .....	6
6.3 Felles plasseringsavgrensing .....	6
6.4 Rapportering .....	6
7. Forvaltning av fylkeskommunen sin låneportefølje og andre finansieringsavtaler .....	6
7.1 Vedtak om opptak av lån .....	6
7.2 Val av låneinstrument .....	7
7.3 Tidspunkt for låneopptak .....	7
7.4 Konkurrerande tilbod .....	7
7.5 Val av rentebindingsperiode – bruk av sikringsinstrument .....	7
7.6 Storleik på enkeltlån – spreining av låneopptak og forfall .....	7
7.7 Rapportering .....	8
8. Forvaltning av fylkeskommunen sine langsiktige finansielle aktiva.....	8
8.1 Føremål.....	8
8.2 Investeringsrammer.....	8
9. Etske retningslinjer .....	8
10. Konstatering av avvik, vurdering og kvalitetssikring av finansiell risiko .....	9
10.1 Konstatering av avvik.....	9
10.2 Risikovurdering.....	9
10.3 Kvalitetssikring.....	9
Vedlegg: Definisjonar.....	10

## **1. Finansreglementet sitt virkeområde**

### **1.1 Føremålet med reglementet**

Reglementet skal gi rammer og retningslinjer for Vestland fylkeskommune sin finans- og gjeldsforvaltning. Reglementet utgjør ei samla oversikt over dei rammer og avgrensingar som gjeld, og underliggjande fullmakter/instruksar/rutinar skal heimlast i reglementet. Reglementet definerer dei risikonivå som er akseptable for plassering og forvaltning av likvide midlar og midlar berekna for driftsføremål, opptak av lån/gjeldsforvaltning og plassering og forvaltning av langsiktige finansielle aktiva.

### **1.2 Kven reglementet gjeld for**

Reglementet gjeld for Vestland fylkeskommune.

## **2. Heimel og gyldigheit**

### **2.1 Heimel**

Dette reglementet er utarbeida på bakgrunn av:

- Lov om kommuner og fylkeskommuner av 22. juni 2018, kapittel 14
- Forskrift om finans- og gjeldsforvaltning i kommuner og fylkeskommuner (høyringsutkast april 2019).

### **2.2 Gyldigheit**

Reglementet trer i kraft frå og med 1. januar 2020.

## **3. Forvaltning og forvaltningstypar**

I samsvar med forskrifta om kommunar og fylkeskommunar sin finansforvaltning skal reglementet omfatte forvaltninga av alle finansielle aktiva (plasseringar) og passiva (renteberande gjeld). Gjennom dette reglementet er det vedteke målsettingar, strategiar og rammer for:

- Forvaltning av ledig likviditet og andre midlar berekna for driftsføremål,
- Forvaltning av gjeldsporteføljen og øvrige finansieringsavtalar,
- Plassering og forvaltning av langsiktige finansielle aktiva.

## **4. Føremålet med fylkeskommunen sin finans- og gjeldsforvaltning**

Finans- og gjeldsforvaltninga har som overordna føremål å sikre ein *rimeleg avkastning* samt *stabile og låge netto finansieringskostnader* for fylkeskommunen sine aktivitetar innanfor *definerte risikorammer*.

Dette vert forsøkt oppnådd gjennom følgjande delmål:

- Fylkeskommunen skal til ein kvar tid ha likviditet (inkludert trekkrettigheit) til å dekke løpande forpliktingar.
- Plassert overskotslikviditet skal over tid gi ein god og konkurransedyktig avkastning innanfor definerte krav til likviditet og risiko. Det må her takast omsyn til tidsperspektiv på plasseringane.
- Lånte midlar skal over tid gi lågast mogleg totalkostnad innanfor definerte krav til refinansieringsrisiko og renterisiko. Det må her takast omsyn til behovet for føreseielegheit i lånekostnader.

- Forvaltning av langsiktige finansielle aktiva skal gi ein god langsiktig avkastning til akseptabel risiko som over tid skal bidra til å gi fylkeskommunen sine innbyggjarar eit best mogleg tenestetilbod.

## 5. Generelle rammer og avgrensingar

- Fylkestinget skal sjølv gjennom fastsetting av dette reglementet ta stilling til kva som er tilfredsstillande avkastning og vesentleg finansielle risiko, jf. kommunelova kap. 14.
- Reglementet skal basere seg på fylkeskommunen sin eigen kunnskap om finansielle marknader og instrument.
- Fylkestinget skal ta stilling til prinsipielle spørsmål om finans- og gjeldsforvaltninga, mellom anna kva som skal reknast som langsiktige finansielle aktiva. Fylkesrådmannen har ei sjølvstendig plikt til å utgreie og leggje fram saker for fylkestinget som vert vurdert som prinsipielle.
- Fylkesrådmannen skal fortløpande vurdere kor eigna reglementet sine rammer og avgrensingar er, og om desse på ein klar og tydeleg måte sikrar at kapitalforvaltninga vert utøvd forsvarlig i høve dei risikoar fylkeskommunen er eksponert for.
- Fylkesrådmannen har fullmakt til å inngå avtalar i samsvar med dette finansreglementet.
- Fylkesrådmannen skal med heimel i dette finansreglementet utarbeide naudsynte fullmakter/instruksar/rutinar for dei enkelte forvaltningsformer.
- Fylkeskommunen kan nytte finansielle instrument og avlede instrument/derivat. Slike instrument skal vere konkret nemnt under dei enkelte forvaltningsformer og må nyttast innanfor risikorammene for underliggende aktiva eller gjeld. Desse instrumenta skal inngå ved berekning av finansiell risiko.
- Finansielle instrument og/eller produkt som ikkje er eksplisitt nemnt gjennom dette reglementet, kan ikkje nyttast i fylkeskommunen sin finans- og gjeldsforvaltning.

Plassering av Vestland fylkeskommune sine midlar i verdipapir, skal skje iht. etiske kriteria. Desse kriteria er omtalt i kapittel 9. Så langt det er praktisk mogleg skal desse etiske kriteria også gjelde for plasseringar i verdipapirfond.

Konkrete rammer for forvaltning av høvesvis fylkeskommunen sine midlar til driftsføremål (inkl. ledig likviditet), gjeldsporteføljen og langsiktige finansielle aktiva vert omtalt kvar for seg i punkta 6-8 under.

## 6. Forvaltning av ledig likviditet og andre midlar berekna for driftsføremål

Fylkeskommunen sine midlar til driftsføremål (mellom anna ledig likviditet) kan plasserast i bankinnskot, pengemarknadsfond og korte obligasjonsfond. Alle plasseringar skal gjerast i norske kroner (NOK).

Fylkeskommunen skal inngå rammeavtale for å ivareta det løpande behovet for banktenester. Ved val av hovudbankforbindelse vert det stilt krav om minimum internasjonal kreditt-rating A- eller tilsvarende kredittvurdering. Det kan gjerast avtale om trekkrett.

Fylkeskommunen sin driftslikviditet skal plasserast i fylkeskommunen sin hovudbank, eventuelt supplert med innskot i andre større spare- eller forretningsbankar med forvaltningskapital som overstig NOK 10 mrd.

Ledig likviditet og andre midlar berekna for driftsføremål, utover kva som er naudsynt til dekning av fylkeskommunen sine løpande forpliktingar, fråtrekt estimerte innbetalingar, dei næraste 3 månader, kan plasserast etter retningslinjer som vist nedanfor.

## **6.1 Kort likviditet**

Kort likviditet er midlar som er forventa å nytte innan 2 år og kan plasserast innanfor følgjande segment og handlingsrom:

### **6.1.1 Innskot i bank**

For bankinnskot gjeld følgjande avgrensingar:

- a) Tidsbinding kan ikkje avtalast for ein periode på meir enn 12 månader.
- b) Eit enkelt innskot med tidsbinding kan ikkje utgjere meir enn NOK 100 mill.

### **6.1.2 Pengemarknadsfond**

For plassering i pengemarknadsfond gjeld følgjande:

- a) Midlar kan kun plasserast i fond forvalta av selskap med brei verdipapirforvaltning og som er ein del av ein anerkjent institusjon/finanskonsern.
- b) Fondets rentefølsemd kan ikkje overstige 1.
- c) Ingen av fondet sine enkeltpapir skal ha lågare kredittrating enn BBB- ("investment grade"), eller dei skal vere vurdert av forvaltar til å ha minimum tilsvarande kredittkvalitet.
- d) Porteføljen i aktuelle pengemarknadsfond kan bestå av papir med inntil 20 % risikovekt (BIS<sup>1</sup>-vekt), mellom anna:
  - Renteberande papir utstedt eller garantert av den norske stat.
  - Renteberande papir utstedt i NOK, utstedt eller garantert av OECD/EØS sone A statar<sup>2</sup>.
  - Obligasjonar med fortrinnsrett (særskilt sikra obligasjonar)<sup>3</sup>.
  - Renteberande papir utstedt eller garantert av norske statsføretak.
  - Renteberande papir utstedt eller garantert av norske kommunar eller fylkeskommunar.
  - Renteberande papir, i form av "senior" sertifikat – og obligasjonslån, utstedt eller garantert av norske bankar eller kredittinstitusjonar.
- e) Det kan ikkje plasserast midlar i pengemarknadsfond som inneheld industriobligasjonar, ansvarlege lån eller fondsobligasjonar.
- f) Samla gjennomsnittleg løpetid for kreditten (kredittdurasjonen) i eit enkelt pengemarknadsfond skal ikkje overstige 1,5 år.

## **6.2 Mellomlang likviditet**

Mellomlang likviditet er midlar som ikkje er forventa å nytte innan 2 år. For å oppnå noko høgare forventa avkastning vert det her akseptert ein høgare rente- og kredittrisiko på plasseringane.

Den mellomlange likviditeten kan plasserast innanfor følgjande segment og handlingsrom:

### **6.2.1 Pengemarknadsfond**

For plassering i pengemarknadsfond gjeld følgjande:

- a) Midlar kan kun plasserast i fond forvalta av selskap med brei verdipapirforvaltning og som er ein del av ein anerkjent institusjon/finanskonsern.
- b) Fondets rentefølsemd kan ikkje overstige 1.

---

<sup>1</sup> BIS: Bank for International Settlements

<sup>2</sup> Stat i sone A: Statar innan OECD området, samt Det europeiske økonomiske fellesskap. Statar som reforhandlar sin statlege utanlandsgjeld, skal utelukkast i eit tidsrom på 5 år.

<sup>3</sup> Obligasjonar utstedt av kredittføretak med fortrinnsrett i ein sikkerheitsmasse som inneheld offentlege lån, utlån med pant i bolig eller annen fast eigendom.

- c) Fondet kan kun investere i papir der utstedaren eller papiret sjølv har ein rating på minimum BBB- ("investment grade")
- d) Ansvarlege lån frå finansinstitusjonar kan utgjere inntil 15 % av porteføljen, og finansinstitusjonane skal ha ein rating på minimum BBB+.
- e) Samla gjennomsnittleg løpetid for kreditten (kredittdurasjonen) i eit enkelt pengemarknadsfond skal ikkje overstige 2,0 år.

#### 6.2.2 Korte obligasjonsfond

For plassering i korte obligasjonsfond gjeld følgjande:

- a) Midlar kan kun plasserast i fond forvalta av selskap med brei verdipapirforvaltning og som er ein del av ein anerkjent institusjon/finanskonsern.
- b) Fondets rentefølsemd kan ikkje overstige 2.
- c) Fondet må plassere minst 90 % av forvaltningskapitalen i papir der utstedaren eller papiret sjølv har ein rating på minimum BBB- ("investment grade")
- d) Ansvarlege lån frå finansinstitusjonar kan utgjere inntil 15 % av porteføljen, og finansinstitusjonane skal ha ein rating på minimum BBB+.
- e) Samla gjennomsnittleg løpetid for kreditten (kredittdurasjonen) i eit enkelt obligasjonsfond skal ikkje overstige 5,0 år.

#### **6.3 Felles plasseringsavgrensing**

- Fylkeskommunen sitt samla innskot i bank/kredittinstitusjon skal ikkje overstige 2 % av institusjonen sin forvaltningskapital.
- Fylkeskommunen sin eigardel i eit pengemarknads-/obligasjonsfond skal ikkje overstige 5 % av fondet sin forvaltningskapital.
- Det skal ikkje vera avgrensingar på uttaksretten i fonda som nyttast, og midlane skal alltid vere tilgjengeleg på få dagar.

#### **6.4 Rapportering**

Fylkesrådmannen skal i samband med tertialrapportering per 30. april og 31. august leggje fram rapportar for fylkestinget som syner status for forvaltninga av ledig likviditet og andre midlar berekna for driftsføremål. I tillegg skal fylkesrådmannen etter utgangen av året leggje fram ein rapport for fylkestinget som syner utviklinga gjennom året og status ved utgangen av året.

Rapporten skal minimum innehalde følgjande:

- Fordeling på dei ulike plasseringsalternativ/typar aktiva i kroner (marknadsverdiar) og i prosent av dei samla midlane til driftsføremål.
- Eigne rentevilkår samanlikna med marknadsrenter.
- Fylkesrådmannen sine kommentarar knytt til samansetnaden, rentevilkår/avkastning, vesentlege marknadsendingar og endring i risikoeksponering.
- Fylkesrådmannen si skildring og vurdering av avvik mellom faktisk forvaltning og risikorammene i finansreglementet

## **7. Forvaltning av fylkeskommunen sin låneportefølje og andre finansieringsavtaler**

### **7.1 Vedtak om opptak av lån**

Fylkestinget fattar vedtak om opptak av nye lån i budsjettåret. Vedtaket skal innehalde storleiken på låneopptaket.

Med grunnlag i fylkestinget sitt vedtak skal administrasjonen gjennomføra låneopptak og godkjenne lånevilkår. Forvaltninga av fylkeskommunen sine innlån skal elles skje etter dei retningslinjer som kjem fram av dette reglementet og i tråd med Kommunelova kapittel 14 om låneopptak.

Det kan utan nærare vedtak takast opp lån til refinansiering av eksisterande gjeld.

## **7.2 Val av låneinstrument**

Det kan berre takast opp lån i norske kroner.

Lån kan takast opp som direkte lån i offentlege og private finansinstitusjonar, samt i livselskap. Det er også mogleg å legge ut lån i sertifikat- og obligasjonsmarknaden. Lån kan takast opp som opne seriar (rammelån) og utan avdrag (bulletlån).

## **7.3 Tidspunkt for låneopptak**

Låneopptaka vert vurdert opp mot likviditetsbehov, vedteke investeringsbudsjett, forventningar om framtidig renteutvikling og generelle marknadstilhøve.

## **7.4 Konkurrerende tilbud**

Gjeldande reglar for offentlege anskaffingar skal følgjast. Låneopptak skal søkast gjennomført til gunstigaste vilkår i marknaden.

For sertifikat- og obligasjonslån skal det normalt innhentast minst 2 konkurrerende tilbud frå aktuelle långjevarar. Det kan gjerast unntak frå denne regelen ved rullering av sertifikat- og obligasjonslån der fylkeskommunen vel å gje ein tilretteleggjar eit eksklusivt mandat.

## **7.5 Val av rentebindingsperiode – bruk av sikringsinstrument**

Gitt eit overordna ønske om føreseielegheit og stabilitet i låneutgiftene, skal styring av låneporteføljen skje innfor eit akseptabelt risikonivå ved å optimalisere låneopptak og rentebindingsperiode i høve forventningar om framtidig renteutvikling.

Forvaltninga skal leggjast opp i høve til følgjande;

- a) Refinansieringsrisikoen skal reduserast ved å spreie tidspunkta for renteregulering/forfall.
- b) Gjennomsnittleg attverande rentebinding (durasjon/vekta rentebindingstid) på samla renteberande gjeld skal til ein kvar tid vere mellom 1 og 4 år.
- c) Halvparten av lånegjelda bør som hovudregel ha fast rente. Andelen fast rente kan likevel variere mellom 40 % og 60 % ut frå om ein finn vilkåra for binding gunstige eller ikkje.
- d) Den delen av låneporteføljen som har fast rente, bør fordelast i 1 til 10 års segmentet på ein slik måte at fylkeskommunen får lågast mogleg refinansieringsrisiko.

For å oppnå ønska rentebinding er det høve til å ta i bruk framtidige renteavtaler (FRA), rentebytteavtaler (SWAP) og kjøpte renteopsjonar. Rentesikringsinstrumenta kan nyttast med det føremålet å endre renteesponeringa for fylkeskommunen si lånegjeld. Føresetnader for å gå inn i slike kontraktar skal være at ein totalvurdering av renteforventningar og risikoprofil på eit gitt tidspunkt, tilseier at slik endring er ønskjeleg.

Det er ikkje høve til å lausrive derivathandelen frå den øvrige finansforvaltninga, og berekningar under punkt b) skal inkludere FRA- og SWAP-kontraktar og eventuelle inngåtte opsjonsavtalar. Føremålet med kvar derivatkontrakt skal dokumenterast, og kontraktane skal knytast til underliggjande lån eller låneportefølje. Det skal kun nyttast større bankar med brei dokumentert erfaring innanfor dette området som motpart ved slike kontraktar.

## **7.6 Storleik på enkeltlån – spreining av låneopptak og forfall**

Forvaltninga skal leggjast opp i høve til følgjande;



- a) Låneporteføljen skal omfatte færrast mogleg lån, likevel ikkje færre enn at refinansieringsrisikoen ved ordinære låneforfall vert avgrensa.
- b) Ved nye låneopptak/refinansiering skal ikkje eit enkeltlån utgjera meir enn 10 % av den samla låneporteføljen.
- c) Låneforfall som skal refinansierast, kan maksimalt utgjere 35 % av den samla låneporteføljen innanfor ein rullerande 12 månaders periode. Under elles like føresetnader er det føremålstenleg at låneopptaka vert delt på fleire långjevarar.

## **7.7 Rapportering**

Fylkesrådmannen skal, i samband med tertialrapportering per 30. april og 31. august leggje fram rapportar for fylkestinget som syner status for gjeldsforvaltninga. I tillegg skal fylkesrådmannen etter utgangen av året leggje fram ein rapport for fylkestinget som syner utviklinga gjennom året og status ved utgangen av året.

For gjeldsforvaltninga skal følgjande rapporterast:

- Opptak av nye lån.
- Om det er inngått avtalar om FRA, SWAP eller renteopsjonar i førre kvartal.
- Refinansiering av eldre lån.
- Samansetnaden av låneporteføljen fordelt på ulike typar passiva (i NOK og %).
- Løpetid for passiva og gjennomsnittleg rentebinding.
- Verdien av lån som kjem til forfall og må refinansierast innan 12 månadar.
- Eigne rentevilkår samanlikna med marknadsvilkår (benchmark<sup>4</sup>).
- Fylkesrådmannen sine kommentarar knytt til endring i risikoeksponering, attverande rentebinding og rentevilkår i høve til fylkeskommunen sin økonomiske situasjon og situasjonen i låneemarknaden, samt føreståande finansierings-/refinansieringsbehov.
- Fylkesrådmannen si skildring og vurdering av avvik mellom faktisk forvaltning og risikorammene i finansreglementet.

## **8. Forvaltning av fylkeskommunen sine langsiktige finansielle aktiva**

### **8.1 Føremål**

Forvaltning av fylkeskommunen sine langsiktige finansielle aktiva har som føremål å sikre ein langsiktig avkastning som kan bidra til å gi innbyggjarane eit godt tenestetilbod. Det vert styrt etter ein rullerande investeringshorisont på 5 år, samtidig som ein søkjer ein rimeleg årleg bokført avkastning.

### **8.2 Investeringsrammer**

Vestland fylkeskommune har ***ikkje*** rammer for plassering av langsiktige finansielle aktiva.

Dersom fylkeskommunen på eit framtidig tidspunkt har som føremål å etablere forvaltning av langsiktige finansielle aktiva, vil dette finansreglementet bli oppjustert med naudsynte og tilstrekkelige rammer og retningslinjer for slik forvaltning. Rammene og retningslinjene skal fastsettast av fylkestinget før oppstart av forvaltning av langsiktige finansielle aktiva.

## **9. Etiske retningslinjer**

Dei retningslinjene som til ein kvar tid gjeld for Statens Pensjonsfond Utland, skal vere retningsgivande for Vestland fylkeskommune sin etiske handtering av kapitalforvaltninga.

---

<sup>4</sup> *Benchmark*: Samanlikningsgrunnlag

Desse retningslinjene inneber blant anna at selskap som produserer særleg inhumane våpen skal stengjast ute frå porteføljen. Vidare skal selskap stengjast ute dersom det er openbar uakseptabel risiko for at fylkeskommunen gjennom sine investeringar medverkar til:

- Grove eller systematiske krenkingar av menneskerettar, som for eksempel drap, tortur, fridomsrøving, tvangsarbeid, dei verste former for barnarbeid.
- Alvorlig krenking av individet sine rettार i krig eller konfliktsituasjonar, alvorlig miljøskade, handlingar eller unnlatingar som på eit aggregert selskapsnivå i uakseptabel grad fører til utslepp av klimagassar, grov korrupsjon og andre særlege grove brot på grunnleggjande etiske normer.

Vestland fylkeskommune skal ikkje plassere kapital i kol-selskap, eller i fond som på plasseringstidspunktet har midlar i kol-selskap. Med kol-selskap er det meint kolgruveselskap og kolkraftproduksjonselskap som har meir enn 30 prosent av inntektene frå kolbasert verksemd.

Vestland fylkeskommune vil sjå til at samarbeidande forvaltarar er informert om både forvaltningsrammer og etiske retningslinjer i fylkeskommunen sitt Reglement for finans- og gjeldsforvaltninga. Det er fylkeskommunen sitt mål at kapital ikkje vert plassert i selskap med ein uakseptabel etisk profil, og at det derfor vil bli valt forvaltarar som tek omsyn til dei etiske sidene ved utveljing av sine investeringar.

Dersom fylkeskommunen blir gjort merksam på at det hos ein forvaltar er plasseringar i selskap med ein uakseptabel etisk profil, skal dette takast opp til diskusjon med forvaltaren med sikte på at nemnte plasseringar gjort av forvaltaren, vert avslutta, eller at fylkeskommunen trekker seg ut av det aktuelle produktet hos forvaltaren.

## **10. Konstatering av avvik, vurdering og kvalitetssikring av finansiell risiko**

### **10.1 Konstatering av avvik**

Ved konstatering av avvik mellom faktisk finans- og gjeldsforvaltning og finansreglementet sine rammer, skal avviket utan opphald rettast opp.

Avviket, og eventuelt økonomisk konsekvens av avviket skal rapporterast til fylkestinget. Det skal samstundes gjerast framlegg om endringar i rutine som venteleg vil redusere risikoen for slike avvik i framtida.

### **10.2 Risikovurdering**

Ved kvar rapportering til fylkestinget skal det gjerast risikovurderingar i høve renterisikoen på plasseringar av ledig likviditet og andre midlar berekna for driftsføremål og låneporteføljen sett i samanheng, dvs. ei "netto" gjeldsvurdering som syner fylkeskommunen sin renterisiko i NOK ved ein generell endring i renta på 1 % -poeng.

### **10.3 Kvalitetssikring**

Finansforskrifta krev at uavhengig kompetanse skal vurdere om finansreglementet er i tråd med kommunelova sine reglar og reglane i finansforskrifta. I tillegg skal uavhengig kompetanse vurdere rutine for vurdering og handtering av finansiell risiko, og rutinar for å avdekke avvik frå finansreglementet.

Fylkesrådmannen har ansvaret for at slike eksterne vurderingar vert innhenta og lagt fram for fylkestinget.

Kvalitetssikring av finansreglementet skal gjerast ved kvar endring av reglementet, og før fylkestinget vedtek nytt, endra finansreglement. Det skal samstundes rapporterast på gjennomført kvalitetssikring av tilhøyrande rutinar.

### Definisjonar

**Finansiell risiko:** Finansiell risiko er usikkerheit om den framtidige verdien av plasseringa eller forpliktinga i forhold til verdien på plasseringstidspunktet eller tidspunktet for avtaleinngåing. Det er ulike typar finansiell risiko. Den finansielle risikoen som ligg i eit verdipapir, vil som regel bestå av fleire typar risiko samtidig. Døme på ulike typar finansiell risiko er:

**Kredittrisiko:** Kredittrisiko representerer risikoen for at motparten i ein kontrakt, til dømes ein låntakar eller motparten i ein derivatkontrakt, ikkje innfrir sine forpliktingar. Eksempelvis at motparten i ein låneavtale eller ein seljar av ein obligasjon ikkje betalar tilbake heile eller delar av lånet (inkludert rentene).

**Renterisiko:** Renterisiko representerer risikoen for at verdien på plasseringa i renteberande verdipapir endrar seg når renta endrar seg. Går renta opp, går verdien av plasseringar i renteberande verdipapir ned (og motsett). Det er også renterisiko knytt til innlån. Endring i marknadsrenta påverkar rentekostnader.

**Refinansieringsrisiko:** Risikoen for at ein ikkje klarar å innfri sine forpliktingar ved forfall utan at det oppstår store kostnader i form av dyr refinansiering eller behov for førtidig realisering av eigedelar. I verste fall er refinansieringsrisiko risikoen for at ein ikkje klarar å refinansiere seg i tilstrekkeleg grad til å møte forpliktingar ved forfall. <sup>1</sup>

**Finansielle instrument:** finansielle instrument er eit samleomgrep på dei eigedelar og forpliktingar som vert omsett i verdipapirmarknaden, derivatmarknaden og dels i valutamarknaden, og som er nærare definert i verdipapirhandellova.<sup>2</sup>

**Derivat:** Ein finansiell kontrakt der verdien avheng av verdien til ein underliggende variabel på eit framtidig tidspunkt. Opsjonar, rentebyteavtale og framtidig renteavtale er døme på derivat.<sup>3</sup>

**Pengemarknadsfond:** Eit pengemarknadsfond er eit rentefond som investerer i renteberande verdipapir med løpetid inntil eit år, dvs. hovudsakeleg sertifikat, obligasjonar med under eitt års attverande løpetid, og bankinnskot.<sup>5</sup>

**Obligasjonsfond:** Obligasjonsfond er eit rentefond som investerer i obligasjonar, dvs. fordringar med løpetid lenger enn eitt år.<sup>5</sup>

**Kredittrating/kredittvurdering:** Rating betyr rangering og vert nytta til å rangere kredittkvaliteten på eit gjeldsinstrument. Internasjonalt er det egne ratingbyrå som gjennom grundige analyser utarbeider slike ratingar. Dei mest kjende er Standard & Poors (S&P) og Moodys<sup>5</sup>.

**Kredittdurasjon:** Durasjon angir kor lang tid det er til rentepapir i eit rentefond (fellesbetegnelse på pengemarknads- og obligasjonsfond) forfell<sup>4</sup>.

**Rentefølsemd:** Seier noko om kor mykje kursen på eit rentefond vert endra ved ein renteendring på eitt prosentpoeng. Rentefølsemda i eit rentefond gir uttrykk for den umiddelbare prosentvise endringa i fondet sin netto andelsverdi, viss effektiv rente for alle verdipapira som inngår i fondet si porefølje vert endra med eitt prosentpoeng. Eit fall i rentenivået aukar rentefondet sin netto andelsverdi, medan ein auke i rentenivået reduserer rentefondet sin marknadsverdi. Viss fondet har høg rentefølsemd vil eit fall i rentenivået gi ein relativt sterk auke i netto andelsverdi og motsett<sup>4</sup>.

**Sertifikat:** Sertifikat er renteberande papir til liks med obligasjonar. Skilnaden er at sertifikata har maksimal løpetid på eitt år<sup>4</sup>.

**Obligasjon:** Ein obligasjon er eit renteberande, omsetteleg verdipapir, vanlegvis lagt ut som eit standardisert lån i ein organisert marknad, med lenger løpetid enn eitt år ved utlegging.<sup>5</sup>

**Framtidig renteavtale (FRA):** Ein FRA er ein avtale mellom to partar om å fastlåse rentesatsen på eit framtidig lån eller plassering<sup>5</sup>.

**Renteopsjon:** Ein renteopsjon gir kjøparen ein rett, men ingen plikt, til å akseptere ei på førehand avtala rente på lån og innskot. Det betyr at kjøparen kan bestemme seg for å velje marknadsrente eller opsjonsrente avhengig av kva som er mest fordelaktig<sup>6</sup>.

**Renteswap (rentebyteavtale):** Ein renteswap er ein avtale mellom to partar om å byte rentevilkår (og rentebetalingar), normalt fast rente mot flytande rente i same valuta med referanse til ein felles nominell hovudstol til fastsette vilkår i eit nærare avgrensa tidsrom. Normalt vil referansestorleiken vere ei fast rente, medan motparten si yting bereknast på grunnlag av ei flytande rente.<sup>7</sup>

**Stresstest:** test for å måle effekten på ei portefølje ved hjelp av førehandsdefinerte marknadssjokk<sup>5</sup>.

---

<sup>1</sup> Høyringsforslag til endring i forskrift om kommuners og fylkeskommuners finans- og gjeldsforvaltning

<sup>2</sup> <https://www.finansnorge.no/tema/kapitalforvaltning/finansielle-instrumenter/>

<sup>3</sup> <http://www.norges-bank.no/Ord-og-uttrykk/>

<sup>4</sup> <https://www.spv.no/bedrift/plassere-og-investere/fond/avkastning-og-risiko>

<sup>5</sup> Kommunal finanshåndbok

<sup>6</sup> <https://www.dnb.no/bedrift/markets/valuta-renter/valuta-og-rentesikring/merinfo/renteopsjoner.html>

<sup>7</sup> <http://www.skatteetaten.no/en/Radgiver/Rettskilder/Handboker/lignings-abc/kapitler/f/?mainchapter=168162>

Arkivnr: 2018/15997-17  
Saksbehandlar: Linda Farestveit

## Saksframlegg

### Saksgang

Utval	Saknr.	Møtedato
Partssamansett utval	18/19	02.09.2019
Fellesnemnda-AU	37/19	02.09.2019
Fellesnemnda		18.09.2019

## Framlegg til partssamansetting av Yrkesopplæringsnemnda i Vestland fylkeskommune

### Samandrag

Prosjektlear viser til møte i Fellesnemnda 18.06.19 RS sak 23/19 om partsamansetting og reglement for Yrkesopplæringsnemnda. Av saka går det fram at prosjektlear skal legge fram ny sak for Fellesnemnda i september med framlegg til partssamansetting. Vedtaket i Fellesnemnda vil bli lagt til grunn for ei ny sak om opptnemning av medlemmer til den nye yrkesopplæringsnemnda i Vestland. Denne saka vil bli lagt fram fylkestinget i Vestland i oktober.

Kunnskapsdepartementet meiner at det er viktig at alle organisasjonane i det nasjonale samarbeidsorganet for fag- og yrkesopplæringa får høve til å delta i dei fylkeskommunale nemndene, og foreslår i høringsnotat 12.10.18 å lovfeste ein rett for alle organisasjonane som er representerte i det nasjonale organet til å delta i yrkesopplæringsnemndene.

Prosjektlear tilrår at det i tråd med oppl. §12-3 og slik det går fram av saksframlegget, at det skal opprettast ei yrkesopplæringsnemnd i Vestland fylkeskommune. Yrkesopplæringsnemnda skal ha 12 faste medlemmer der arbeidsgjevar- og arbeidstakarorganisasjonane har fleirtal med til saman 8 representantar og der alle organisasjonane som er representerte i det nasjonale samarbeidsorganet for fag- og yrkesopplæringa blir invitert til å delta. I tillegg skal det nemnast opp to politiske representantar, ein elevrepresentant, og ein lærlingrepresentant.

### Forslag til innstilling

Fellesnemnda slutter seg til innstillinga frå prosjektlear slik det går fram av saksframlegget.

Rune Haugsdal  
prosjektleder

*Saksframlegget er godkjent elektronisk og har derfor inga underskrift.*

## Prosjektleiar, 14.08.2019

Prosjektleiar viser til møte i Fellesnemnda 18.06.19 RS sak 23/19 om partsamansetting og reglement for Y-nemnda. Av saka går det fram at prosjektleiar skal legge fram ei sak for Fellesnemnda i september med framlegg til partssamansetting av Yrkesopplæringsnemnda. På grunnlag av vedtaket i fellesnemnda i september vil prosjektleiar legge fram sak om oppnemning av medlemmer til den nye Yrkesopplæringsnemnda i Vestland. Saka vert lagt fram for fylkestinget i Vestland i oktober.

I følgje gjeldande rett skal yrkesopplæringsnemndene være rådgjevande organ for fylkeskommunen, og det er fylkeskommunane som har ansvaret for å nemne opp i tråd med § 12-3 i opplæringslova:

- Nemnda skal ha medlemmer med personlege varamedlemmer som samla har «brei innsikt i heile fag- og yrkesopplæringa og i nærings- og sysselsetjingsspørsmål».
- Det skal nemnast opp medlemmer frå partane i arbeidslivet etter forslag frå arbeidstakar- og arbeidsgjevarorganisasjonane.
- Det skal nemnast opp minst éin representant for elevar, lærlingar eller lærekandidatar etter forslag frå organisasjonar eller organ som representerer desse.
- Fylkeskommunen kan be lærarorganisasjonane om forslag til medlemmer i nemnda.
- Partane i arbeidslivet skal ha fleirtall i nemnda.
- Fylkeskommunen avgjer tal medlemmer i nemnda

Nemnda si rolle er særleg knytt til:

- kvalitet i opplæringa
- dimensjonering av opplæringstilbodet
- rådgjeving om fag- og yrkesopplæring
- regional utvikling

Opggåvene til yrkesopplæringsnemndene går fram av Opplæringslova §§ 4-3, 12-3 og 12-4. Nemnda skal fremme arbeidslivet sine behov og synspunkt ovanfor fylkeskommunane. Nemnda skal også arbeide for å sikre best mogleg dimensjonering av den vidaregåande opplæringa, og gi fylkeskommunen råd om tiltak i samband med årleg fastsetting av opplæringstilbodet.

I høyringsnotat 12.10.18 legg Kunnskapsdepartementet vekt på mellom anna følgjande i si vurdering: «Det er i dag betydelig variasjoner i hvilke organisasjoner som er representert i yrkesopplæringsnemndene. Departementet mener at sammensetningen av nemndene i størst mulig grad bør gjenspeile bredden i arbeidslivet. Yrkesopplæringsnemndene skal arbeide for å heve kvaliteten av hele fag- og yrkesopplæringen. For å leve opp til denne bestemmelsen må yrkesopplæringsnemndene være sammensatt på en måte som gir innsikt i ulike bransjer og utdanningsprogrammer.»

Departementet meiner at det er viktig at alle organisasjonane i det nasjonale samarbeidsorganet for fag- og yrkesopplæringa får høve til å delta i dei fylkeskommunale nemndene, og foreslår på den bakgrunn å lovfeste ein rett for alle organisasjonane som er representerte i det nasjonale organet til å delta i dei fylkeskommunale yrkesopplæringsnemndene. I dette ligg ei plikt for fylkeskommunane til å spørje desse organisasjonane i forkant av oppnemningane. Følgjande hovudsamanslutningar/organisasjonar er i dag representert i SRY: LO, YS, Utdanningsforbundet, NHO, KS, Virke, og Spekter.

Sjølv om det ikkje er vedteke ny forskrift har prosjektleiar lagt vekt på departementet si vurdering og grunngjeving i høyringsnotatet når det gjeld spørsmål om framtidig partssamansetting i Vestland fylkeskommune. Sogn og Fjordane fylkeskommune har også hatt gode erfaringar dei seinare åra med tilsvarende modell med ei breitt samansett y-nemnd. Det skal nemnast opp eit arbeidsutval for nemnda.

Prosjektleiar foreslår at det i tråd med Opplæringslova § 12-3 vert oppretta ei yrkesopplæringsnemnd i Vestland fylkeskommune .

1. Yrkesopplæringsnemnda skal være samansett av personleg oppnemnde representantar frå arbeidstakarorganisasjonane (inkludert lærarorganisasjonar), arbeidsgjevarorganisasjonane, fylkeskommunale utdanningsmyndigheiter og elevar/lærlingar.
2. Arbeidsgjevar og arbeidstakarorganisasjonane skal til saman utgjere fleirtalet i nemnda.
3. Kvart medlem er nemnd opp for fire år av gangen og skal ha ein personleg vararepresentant. Arbeidsgjevar- og arbeidstakarrepresentantane skal til saman utgjere fleirtalet i organet.
4. Representantane for elevar og lærlingar skal nemnast opp for to år om gangen.
5. Yrkesopplæringsnemnda konstituerer seg sjølv og nemner opp eit arbeidsutval
6. Yrkesopplæringsnemnda skal nytte prøvenemndene som yrkesutval innanfor kvart av faga/fagområda
7. Yrkesopplæringsnemnda i Vestland skal ha 12 faste medlemmer der arbeidsgjevar- og arbeidstakarorganisasjonane har fleirtal med til saman 8 representantar. I tillegg skal det nemnast opp to politiske representantar, ein elevrepresentant, og ein lærlingrepresentant.

*Forslag til partsamansetting:*

LO: 2

YS: 1

UNIO/Utdanningsforbundet : 1

NHO: 1

KS: 1

Virke: 1

Spekter: 1

Politiske representantar: 2 (1 frå hovudutval for opplæring og kompetanse, og ein frå hovudutval næring, naturressursar og innovasjon.)

Elev/lærlingrepresentant: 2